

Nyuuth tēnē Joon

Wēt nom

Athör kēnē anyuth tēnē Joon cī gōt wäär guum kōc cī gam, rin cī kek la gam tēnē Jethu Krītho ke ye Bēny. Wētdīt wīc raan gāt athöör, ee wēt bīī kōc bī ye kueen rieel puōth bik la ḡōth, bik rēer ke ḡōth akööl käreec ke gum.

Abaḡdīt athör kēnē yic atō kajuēc wat kekōōth kāk cī nyuōōth, ku kāk cī tīḡ cī ke kiēt wēl yiic, kāk ye kōc thēer wäär cī gam ke deet yiic. Ku alēukē bik rēer ke cī moony tēnē kōc kōk ēbēn. Athör kēnē acī guiir ke cīt dhöl waak, yen aye ke wēl lueel ku ben ke ber yiic dhöl juāac cīī thōḡ, cīt tē cī ke wat kōōth thīn.

Na cōk alōn cī tāk ye rōm kek tēcīt tē ye ke deet yiic thīn athöör yic. Ke wēt ciel yic ala ḡei, dhēl Krītho Bānyda, yen Nhialic. Abī kōc aterde tiaam alanden akōl ciēen agut Bēny jakrec. Akōl le tiām kēnē thāap, ke kōc cī gam aabī dōc. Ku riop ke piny ē yam, nhial ē yam.

Kāk tō thīn

Wēt Nom	1:1-8
Jōk ē nyuuth ku athör cī gāt akuut kōc kadhorou	1:9-3:22
Athöör kek adōk kadhorou	4:1-8:1
Keḡ kadhorou	8:2-11:19
Jōḡrac ku lääi karou	12:1-13:18
Anyuth kōk juēc	14:1-15:8
Riāäk puōu ē Nhialic	16:1-21
Riāḡ Babilon ku tiām cī kōc ater Nhialic tiaam	17:1-20:10
Lunḡdīt	20:11-15
Nhial ku piny ku Jeruthalem ē yam	21:1-22:5
Thōk ē Wēl	22:6-21

Wēl tueŋ

1 A athör kēnē yic Joon aci kǎŋ gāt piny, kāk cī Jethu Krītho nyuɔɔth. Aci Nhialic looi bī kǎkkā tīŋ, rin bī kacke cɔl aŋic kāk bī rōt looi nīn thiōkkā yiic. Raan cī lɔc ku dɔc acā atunyden nhial tuɔc aluɔnyde bī lēk athōn kēnē. ²Joon aci kāk cī tīŋ ēbēn lueel. Yeen acā athōn bō tēnē Nhialic gāt piny, ku kāk cī Jethu Krītho nyuɔth ye.

³Raan mit puɔu ē raan bā athōn kēnē kuēn kɔc cī gam, athōn bō tēnē Nhialic. Ku kɔc mit puɔth, aa kɔc bī ye piŋ ku thekkē kē ye lueel, rin tē bī Nhialic kǎkkā cɔl aloi rōt aci thiōk.

Muɔth tēnē akuut kɔc cī gam kadhrou

⁴Ee yēn Joon, yēn agēt tēnē akuut kɔc cī gam ē bēēi Athia yiic.

Yēn arōōk lɔn bī wek nhiēr ku dōōr yōk tēnē Nhialic. Yēn tō thīn ēmēn, ku arēēr thīn tēthēryɔn, ku yēn bī bēn. Wek aabī nhiēr ku dōōr yōk tēnē wēi kadhrou ē thōny Nhialic nhom, ⁵ku tēnē Jethu Krītho, raan yēn nyooth yic rin Nhialic. Yēn ē ye raan tueŋ cī rot jɔt ē thou yic, ee yēn amac bānyŋaknhīim ēbēn pinyinhom aya.

Yēn anhiar yō, ku ajuērden cī yēn rot juaar bī thou, ēcī yēn yō wēēr bei adumuōōmkua yiic, ⁶ku looi yō buk aa kɔc luui Nhialicde ku ye Wun, diik ku riel aa kākke akōlriēc ēbēn. Yēnakan.

⁷Tiēŋkē, yēn abō pial yiic. Abī raan ēbēn tīŋ, agut kɔc wāār nāk ye. Kɔc pinyinhom ēbēn aabī dhiau ē rienke. Kēya abī ciēt kēnē! Yēnakan.

⁸Aye Bēny Nhialic lueel ēlā, “Ee yēn jōk ē cōk ku yēn thōk ē kǎŋ.” Nhialic Madhɔl tō thīn ēmēn, ku arēēr tēthēryɔn, ku yēn bī bēn.

Tīŋ Raan cī lɔc ku dɔc


⁹Ee yēn Joon mēnhkui dun, week ēbēn wek kɔc tuɔc athör kēnē, ke ya ye raan cī wēt Jethu gam cīmēndun. Ku rin ē kēnē yōk aa tōk, ku yēn agum aya cīmēndun. Ku yēn abī rēēr ē bāāny Nhialic yic kek we aya, ku yēn alir puɔu cīmēndun. Yēn a ya mac golgol Patmoth nhom, golgol rēēr Adēkdīeet yic, rin cī yēn wēt Nhialic, ku yiny Jethu nyuɔɔth. ¹⁰Wēi Nhialic aake cī bēn yaguōp akōl Nhialic. Guɔ rōldīt la wic cīt kǎŋ piŋ ke jam yakōu ciēēn. ¹¹Ku lueel, “Gāt kē ye tīŋ athōōr yic ēbēn, ku tuɔc athōōr tēnē akuut kɔc cī gam ē bēēi kadhrou yiic, Epethuth, Thimirna, Pergamum, Thiatira Thardīth, Piladelpia ku Lodikia.”

¹²Guɔ rot wel ba raan jam tīŋ, nawēn wel yānhom, ke ya tīŋ kāk ye many adōk took kēnhīim cī looi mīlāŋ tōc kadhrou, ke kāāc.

¹³Ku kēcīt manh raan ke kāāc keciel yiic, ku a cieŋ alanh dīit ye paat

1:4 B.bei 3:14; Ny 4:5 1:5 Ith 55:4; Wk 89:27 1:6 B.bei 19:6; Ny 5:10 1:7 Dan 7:13; Mt 24:30;
Mk 13:26; Lk 21:27; 1The 4:17; Dhāk 12:10; Jn 19:34, 37 1:8 Ny 22:13; B.bei 3:14 1:13 Dan 7:13; 10:5

kɔc kōōth ē piny kuaar yet yecök, kek karkar diit cī looi milān tōc yepɛɛm. ¹⁴Nhimken ē nhom aake yer ka cīt gai tueny deŋ, ku adēp nyin cīmēn mac. ¹⁵Ku cök ala diardiar cīt ban cī coth kōu, ku akök yic apei cīt lōör puɔc kɔcɔc. ¹⁶Yen wēn amuk kuēl kadhorou ciinden cuēc, ku amuk pal diit moth ē thok kedhie bō bei yethok. Ku dēp nyin cīt ruēl aköl ciel yic.



Ke ya tiŋ kāk ye many adök took kenhīim (1:12)

¹⁷Wēn tiŋ yen ye, ke ya wiēēk piny yecök ciēt ya cī thou. Go ya thany nhom ciinden cuēc ku lueel, “Duk riōc. Ee yen jök ē cök ku yen thök ē kāŋ. ¹⁸Yen ē pīr, yen a ya cī thou ku emēn yen aci ben pīr akölriēc ebēn. Yen amuk wēnh riēt yōöt ē thou ku yōöt pīr aya.

¹⁹“Yīn adhil kākā gōt ebēn, kāk ye tiŋ emēn ku kāk bī rōt looi aköldä. ²⁰Ku kuēl kadhorou, ca tiŋ kōŋdiēn cuēc, wētden yic, atuuc nhial kadhorou, tēnē akuut kɔc cī gam kadhorou. Ku kāk kāac kāk ye many adök took kenhīim akuut kɔc cī gam kadhorou.”

Athōn tēnē kɔc cī gam Epethuth

2 “Yīn awiēc ba athōör gāt akut kɔc cī gam gen Epethuth, raan muk kuēl kadhorou ciinden cuēc ku cieth kam kāŋ kadhorou ye many adök took kenhīim, aye lueel tēnē we ēlä.

²Aŋiēc yen tē cī wek pīir thīn ē piērdun yic. Aŋiēc yen tēril cī wek luui thīn ke we kɔc cī gam, ku tē cī wek kārīl yiic gōök thīn. Aŋiēc lōn cīi wek ye bī lēu bāk kɔc ē luui kārēc puöl bīk ke ya looi welōm. Wek aaci kɔc ye lueel lōn ye kek atuuc Jethu them, ku acāk bēn yök lōn ye kek alueth ē path. ³Aŋiēc lōn guum wek rienkiē we lir puōth, ku wek kēc puōth bath. ⁴Ku kē maan tēnē we akīn, wek aciī yen nhial emēn cīmēn thēer wāär puɔc wek gam. ⁵Kēya, muōkkē wenhīim yen tē cāk dōöt luoi kārēc yiic! Pālkē luoi kārēc, ku piēērkē cīt tēthēer wāär puɔc wek wēt ca lēk we gam. Na lak tueŋ ke we lui kārēc, ke yen abī la tēnē we, ku la we tēm awuōc bī yen kēdun ye wek many adök took yenhom nyaai tēden kēēc yen thīn. ⁶Ku wek ya leec rin mēen wek kāk ye kɔc Nikolauth looi cīmēn mēen yen ke aya.

⁷“Na lakkē yiith, ke we piŋ kē ye Wēi Nhialic lēk akuut kɔc cī gam. Yen abī kɔc cī jōŋrac tiaam gām yic bīk mīth tim ē pīr cam, tim rēer gör ē Nhialic yic!

Athön tēnē kōc cī gam Thimirna

⁸“Yīn awiēc ba athöör gät tēnē akut kōc cī gam gen Thimirna ëlä, kēnē ē wēt raan käng cōl ajōk rōt ku cōl ke aa thōk, raan cī thou ku ben pīr aya, aye lueel,

⁹Yen aṇic kārīl rēer wek thīn, aṇiec lōn wek aa ṇōṇ ku wek aṇiēc wepuōth. Yen aṇic kārēc ye lueel wegup kōc ye lueel ka kōc cī Nhialic lōc, ku ē lueth ē path. Ku keek aa kōc akut jōṇrac. ¹⁰Duōkkē riōc gum bī wek gum ēmēn. Piēṇkē! Jōṇrac acī thiōk kek tē bī yen kōc kōk kamkun mac rin bī yen gamdun them. Wek abī rēer ater yic nīn kathiäär ku duōkkē puōth go bath wētdiē yic cōk alōn nēk we, rin wek aaba gām pīr akōlriēc ēbēn ke ye yen ariōp.

¹¹“Na lakkē yīth, ke we piṇ kē ye Wēi Nhialic lēk akuut kōc cī gam. Ku raan bī jōṇrac tiaam, acīn kērēc bī ye yōk alanayōn ē thon yic rou.

Athön tēnē kōc cī gam Pergamum

¹²“Yīn awiēc bā athöör gät tēnē akut kōc cī gam gen Pergamum, kēnē athön bō tēnē raan muk pal cī ther thok kedhie.

¹³Yen aṇic tē rēer wek thīn gen mēc jōṇrac. Wek aa kōc wētdiē ē cōk, ku wek akēc puōth dhōr gamdun yic tēnē ya. Wek akēc gamdun waar yic, agut wäär cōk Antipāth raan ye nyuōth kāk ye looi yiic lōn ee yen raandiē nōk gendun ē tēēn, gen mēc jōṇrac.

¹⁴Ku ala kāthii maan tēnē we, kōc kōk weyiic aa piōōc Balaam buōth yic, Balaam wäär nyuth Balak tē bī yen kōc Itharel cōl aloi adumuōm thīn. Ku lēu bīk rīṇ cuet, rīṇ lān cī nāk jak, ku loikē kāk bal. ¹⁵Ku kēlä aya, kōc kōk weyiic aa piōōc kōc Nikolauth buōth yic. ¹⁶Pālkē luoi kārēc! Na cāk pāl ke yen abī bēn kek ē pal bēn bei yathok bī yen kōckā tēm awuōc. ¹⁷Na lakkē yīth, ke we piṇ kē ye Wēi Nhialic lēk akuut kōc cī gam. Yen abī raan cī jōṇrac tiaam gām abanṇ ayum nhial cī Nhialic tōōu, ku gām alel yer, alel cī rin yam cīn raan ṇic ke gōt yekōu, na cie raan cī gām ye.

Athön tēnē kōc cī gam Thiatira

¹⁸“Yīn awiēc ba athöör gät akut kōc cī gam gen Thiatira ëlä, kākka aa wēl bō tēnē Wēn Nhialic raan nyin dēp cīt mac, ku le cōk diardiar cīt ban cī coth kōu.

¹⁹Yen aṇic kāk yakē ke looi. Aṇiec lōn wek aanhiar rōt kamkun, ku wek aa muk gamdun. Aṇiec yen tē cī wek rōt kuōny thīn

2:8 Ith 44:6; 48:12; Ny 1:17; 22:13 2:11 Ny 20:14; 21:8 2:14 Kn 22:5, 7; 31:16; L.rou 23:4; Kn 25:1-3 2:17 B.bei 16:14-15; 16:33-34; Jn 6:48-50; Ith 62:2; 65:15

kamkun, ku tē guum wek thīn, aṇיע lōn wek aaloi kājuēc wār kāk wāār tueṇ. ²⁰Ku ʔen ala kēthiin maan tēnē we, wek aaci tik pušl tiṇ cōl Jedhebel ye lueel ke raan kāk Nhialic tiṇ. Ku pišōcde ē kackiē thel luoi kāk bal yiic, ku camkē miēth cī juēr jak cī kiēēt. ²¹Aca lēk bī yepušu dhuōk ciēen adumušōmke yiic, ku aci jai bī yepušu dhuōk ciēen. ²²Ku kēya, aba cōl atuany ku kōc kāk bal looi kek ye aabi gum apei tē cīi kek kepuōth dhuk ciēen, ku pālķē kārec yekē ke looi kek ye. ²³Kōc cī pišōcde gam aa ba nōk, ku aabi akuut kōc cī gam ēbēn jal ṇic lōn ʔen ē raan ē kē tō raan pušu ēbēn ṇic, ku ṇiec kuat kē wic. Ku kuat raan ēbēn aba tēm awuōc cīt kē cī looi.

²⁴“Ku ēmēn aba lēk kōc abēk kamkun gen Thiatira, kōc kēc piōōc rēc ē tiṇ buōth yic, ku wek aakēc luui kē ye kacke cōl, ‘Aye kē cī thiaan apei cī jōṇrac moony.’ Aya lēk we lōn wek aci bī mēc dēt ril yic. ²⁵Wek aadhil la tueṇ ke we gam wētdiē, ʔet tē bī ʔen bēn. ²⁶ʔen abi kōc cī jōṇrac tiaam, ku lek tueṇ ke loi wētdiē ʔet tē bī ʔen dhuk gām riel bik pinynhom mac. ²⁷Aabi pinynhom mac riel ke cīn aṇuān, ku abik thuōr piny ku thorkē ke cīmēn tōny cī looi ē tiōp. ²⁸Rielden abi thōṇ kek riel ca yōk tēnē Wā. Aaba gām ciēer aya, ciēer bī ke nyuōth tiām cī kek tiam. ²⁹Na lakkē yīth, ke we piṇ kē cī Wēi Nhialic lēk akuut kōc cī gam.

Athōn tēnē kōc cī gam gen Thardīth

3 “Yīn awiēc ba athōōr gāt tēnē akut kōc cī gam gen Thardīth ēlā, raan mac wēi kadhorou thōny Nhialic nhom, ku amuk kuel kadhorou, ee we tuōc wēt kēnē,

ʔen aṇic kuat kāk cāk looi ēbēn, aṇיע lōn ye wek ye tak lōn piīr wek cōk alōn cī wek thou. ²Aca yōk lōn piērdun ke we ye kōc cī gam aci thōṇ kek tē cī Nhialic ye guier thīn. Kēya, pāäckē nīn yic, ku dhuōkkē riel yam ē pīr kōc cī gam yic ke we kēc guō thou ē gīm.

³Muōkkē yīth wāār cī piōōc tēnē we nhīm, ku thekkē ke. Pālķē luoi



Akuut kadhorou kōc cī gam (2:1 - 3:22)

kārec ku dhuōkkē wepuōth ciēn adumuōōmkun yiic. Pāäckē ba rot cīi kuēl wegup ciēt ya ye cuār ē bēn baai wakōu. Ku acīi bī ŋic ba bēn nēn. ⁴Ku na cōk a kēya ke wek aŋot we la kōc lik Thardith, kōc kēc luui kārec. Keek aabi cath kek ya ke cieŋ alēth yer, rin aala yic bīk looi kēya. ⁵Raan bī riel jōŋrac tiaam cīmēn ē kek abā alēth yer cieŋ. Ku rienke acā bī nyaai athōr pīr yic. Tē le yēn kōōc Wā nhom kek atuucken nhial ye luōōi, aba lueel yēnhom lōn ŋic yēn ē raan kēnē. ⁶Na lakkē yīth, ke we piŋ kē ye Wēi Nhialic lēk akuut kōc cī gam.

Athōn tēnē kōc cī gam gen Piladelpia

⁷“Yīn awiēc ba athōōr gāt tēnē akut kōc cī gam gen Piladelpia ēlā, raan la guōp Wēi Nhialic ku yic, yēn la riel bī kōc Nhialic mac nyin bēnyŋaknhom Debit. Ku tē ŋeēny yēn yōt thok ka cīn raan lēu ye bī thiōōk. Ku tē thiōōk yēn yōt thok ka cīn raan lēu ye bī ŋaany.

⁸Yēn aŋic kāk yakē ke looi, aŋiec lōn le wek riel koor, ku wek aa ŋot we buōth piōōcdiē yic ku thekkē ya. Tiēŋkē yōt aca ŋaany thok wenhiim, ku acīn raan lēu ye bī ben thiōōk thok. ⁹Tiēŋkē, yēn abī kōc kek kōc jōŋrac, alueth ye lueel lōn ye kek kōc cī Nhialic lōc looi bīk tō wecōk, ku bīk deet yic lōn nhieer yēn we. ¹⁰Wek acī gum riel ē thok cīt tēwāār cī yēn we lēk thīn. Kēya, wek aba kony aya tē le nīn thōk, nīn bī yēn kōc pīr ēbēn them pinynhom. ¹¹Yēn abō ēmēn, muōkkē kē cāk yōk apath, bī ciēn raan rum kēpeth cāk yōk rin cī wek tiam. ¹²Raan bī riel jōŋrac gōōk aba looi ke ye thel ril yōn ye Nhialic door thīn, Nhialic yēn ya luōōi. Raan kēnē acīi bī kaŋ jāl ē tēēn. Aba gāt kōu rin Nhialicdiē ku rin Jeruthalem yam, yēn rin gen ē Nhialicdiē bī bēn bei tēnē Nhialic nhial. Aba gōt kōu aya rinkiēn yam.

¹³“Na lakkē yīth, ke we piŋ kē ye Wēi Nhialic lēk akuut kōc cī gam.

Athōn tēnē kōc cī gam gen Lodikia

¹⁴“Yīn awiēc ba athōōr gāt tēnē akut kōc cī gam gen Lodikia ēlā, raan yēn Yenakan. Yēn cī yiny Nhialic nyuōōth ē cōk, ku ē yēn acī kēriēēc ēbēn cī Nhialic jōōk cōk cak, aye lueel ēlā,

¹⁵Yēn aŋic kāk cāk looi ēbēn, wek aa kēc yēn jai, tēdē wek aa kēc yēn lor piāthkun ēbēn, na we ye rōt mat abak, diēt apath yapuōu. ¹⁶Ku rin kēc piāthkun rōt mat abak, yēn abī jai ē we.

3:3 Mt 24:43-44; Lk 12:39-40; Ny 16:15 3:5 B.bei 32:32-33; Wk 69:28; Ny 20:12; Mt 10:32; Lk 12:8
3:7 Ith 22:22; Jop 12:14 3:9 Ith 49:23; 60:14; 43:4 3:12 Ny 21:2; Ith 62:2; 65:15 3:14 Kēŋ 8:22

¹⁷Yiin aye lueel, ‘Yen ajak! Acin kē njōŋ ya, acin kē ben wic.’ Ku aciī njic yen tē ye yin laaŋ aŋāaŋ thīn. Yin aŋaŋ ē cath ke cīn kē ceŋ, ku yin ē cōr. ¹⁸Rin ē kēnē, yin alēk bī ya mīlāŋ tōc la wic yen ɣoc tēnē ya, bī yin jīeek yōk thīn. Yin adhīl alēth ɣer ɣoc aya ba ke tāāu yīkōu, ku bī kēwāār yin cath yīkōu path ke cīn alanh cieŋ liu ba guōp cī ben riōc ē kōc, ku ɣoc kē ye kōc kenyin tōc ba tāāu yīnyin rin bī yin daai. ¹⁹Kōc nhiaar aa ya māt ku tēm ke awuōc, kēya rēērke apath ku pālke luoi kārec bāk puōth miet. ²⁰Pālke weyīth piny, ɣen ē ɣarōl tuŋ ɣōndun thok. Na le raan piŋ ɣarōl ku ŋeeny yōt thok ke ɣen ala thīn, ku laar ku määth kek ye. ²¹Yen abī raan cī riel jōŋrac gōōk gām yic bī nyuc ē thōōc nhom ɣalōm. Kēnē abī ciēt ēmēn cī ɣen riel jōŋrac gōōk ku nyuōc ē thōōc nhom Wā lōm.

²²“Na lakkē yīth, ke we piŋ kē ye Wēi Nhialic lēk akuut kōc cī gam.”

Thōny pan Nhialic

4 Tēwēn cī ɣen kākā ēbēn tiŋ, ke ya ben nyuōth aya, ku tiēŋ yōt thok ke ŋaany pan Nhialic. Ku kē ca piŋ tueŋ ē raan jam tēnē ya rōldīt la wic cīt kaŋ ke ye lueel, “Bāār nhial tēn ku yin aba cōl atīŋ kāk bī rōt looi ye kēnē cōk.” ²Nyin yic ē tēēn ke Wēi Nhialic la ɣaguōp. Ku tiēŋ thōōc ē tēēn pan Nhialic ku raan ke cī nyuc yenhom. ³Raan cī nyuc ē thōōc adēp nyin bilbil cīt kuur ɣer dhēŋ, ku kēdīt cīt mīt ke cī thōōc gōōl piny, ke dēp birbir. ⁴Ku alōŋthīn kēwēn cī thōōc gōōl piny yic, thōc kōk kathiārou ku ŋuan aake kāac thīn, ku kōcdīt kathiārou ku ŋuan aake cī nyuc kenhīim. Ku keek aake cieŋ alēth ɣer ku ajōm ē bāny kenhīim. ⁵Thōōc abier ku mēēr nhial ciēt ye deŋ. Thōōc nhom tueŋ mēc adōk kadhōrou aake dēp thīn, kākā aake ye Wēi Nhialic kadhōrou. ⁶Aya, thōōc nhom tueŋ, ala ke dīt cīt baar ē wār cī looi macar dēp la bilbil. Ku thōōc kōu tēn ku tēn, lāai kaŋuan la nyin juēc kenhīim ku kekōth aya aake tō thīn. ⁷Lān tueŋ acīt kōōr, ku lān ye kek rou acīt muōr ē weŋ, ku lān ye kek diāk acīt nhom raan, ku lān ye kek ŋuan acīt lienh tōŋ pār nhial. ⁸Keek ēbēn ŋek ē la wuōk kadātem la nyin juēc keyiic ku kekōth ayeer. Aa waak ket akōl ku wēēr ēlā,

“Alēec, alēec, alēec tēnē Bēny Nhialic Madhōl

tō thīn ēmēn ku arēēr tēthēryōn, ku yen bī bēn.”

⁹Lāai kaŋuan aa diēt ket tēnē raan cī nyuc thōōc nhom, pīr akōlriēc ēbēn. Aa ket waak leec kek ye lōn ril yen ku le diikdīt. Tē looi kek ye

3:19 Kēŋ 3:12; Yēb 12:6 4:2-3 Edhe 1:26-28; 10:1 4:5 B.bei 19:16; Ny 8:5; 11:19; 16:18; Edhe 1:13; Ny 1:4; Dhāk 4:2 4:6-7 Edhe 1:22, 5-10; 10:14 4:8 Edhe 1:18; 10:12; Ith 6:2-3

këya, ¹⁰kɔcdīt kathiārou ku ŋuan aa kenhiɔl guŋt piny raan cī nyuc ē thöoc nhom cök, ku dorkē raan pīr akölriēc ēbēn. Ku cuetkē ajōmken piny ē thöoc nhom, ku luelkē,

¹¹“Yīn ala yic, buk yīn a door Bānyda Nhialic,
ku gēmku yīn alēc rin le yīn riel ku diik.
Rin yīn acī kēriēc ēbēn cak,
ku rienku yen acī yīn kēriēc ēbēn cak ku pīrkē.”

Athöör ku Manh Amääl

5 Ku tiēŋ athöör ke muk raan cī nyuc thöoc nhom ciinden cuēc. Athöör acī gōt yic ku yekōu aya, ku acī nuet thok theny kadhorou. ²Ku tiēŋ atuny Nhialic ril apeī, ke thiēc röldīt, “Yeŋa la yic bī thaany kuem athöör thok ku liep athöör yic?” ³Ku acīn raan pan Nhialic, nadē ke ye pinyinhom ku piiny tiōp yic la riel bī athöör pet yic ku kueen. ⁴Guo dhiau apeī rin cīn yen raan cī yök ke la cök bī looi këya. ⁵Go raan tōk kɔcdīt lēk ya, “Pāl dhiēu! Tīŋ köör, raan kuat Juda wundīt Debit wäär ē bēnyaknhom yen acī jōŋrac tiaam, këya yen alēu ye bī theny kadhorou kuem ku pet athöör yic.”

⁶Ku tiēŋ Manh Amääl ē thōn ke kääc ē thōny bēnyaknhom ciēl yic. Yeen acī lāāi pīr kaŋuan ku kɔcdīt gōm piny. Ku Manh Amääl aca tiŋ ke ciēt cī nōk. Ku ala tuŋ kadhorou ku nyīn kadhorou kek Wēi Nhialic kadhorou cī tuōc pinyinhom ēbēn. ⁷Go Manh Amääl la ku lööm athör tō ciin cuēc tēnē ye cī nyuc thöoc nhom. ⁸Tēwēn cī yen ye lööm, ke lāāi pīr kaŋuan ku kɔcdīt kathiārou ku ŋuan, gut kenhiɔl piny yenhom, ku kɔcdīt aake muk thoom ku aduuk cī looi mīlōōŋ tōc cī thiāŋ adōŋ ŋjir, yen tō nyin rōök kɔc ē Nhialic luōōi. ⁹Ku ketkē waak ē yam ēlä,

“Yīn ala yic ba athöör lööm ku kuem theny yethok.
Rin cī kɔc yī nōk ku riemdu yen acī yīn kɔc pinyinhom,
dhiēth ku wuōt ku thok ēbēn ɣɔc bīk aa kɔc ē Nhialic ēmēn.

¹⁰Yīn acī keek cɔl aaye kɔc Nhialicda luōōi.
Ku aabi pinyinhom mac.”

¹¹Ku bēn daai, ku piēŋ röl atuuc nhial juēc apeidīt cīī kuen ke kääc ke cī thöoc gōm piny, ku lāāi pīr kaŋuan ku kɔcdīt, ¹²aake kēt waak röldīt apeī,

“Manh Amääl wäär cī nōk yen ala yic.
Adhil leec rin riēlden tō kek yeen,
ku jiēk ku ŋjiny kǎŋ, ku diik, aa dhil athēēkdīt apeī yök thīn.”

¹³Ku piɛŋ kuat kē pīr ēbēn tō pan Nhialic ku pinyinhom, ku piiny tiɔp yic ku wēr yiic ēbēn ke kēt ēlā,

“Tēnē yeen cī nyuc thōoc nhom ku tēnē Manh Amääl,
bī alɛɛc ku athēēk ku diik ku riel aa kākke akölriēc ēbēn!”

¹⁴Ku gēm lāāi pīr kaŋuan, “Yenakan.” Ku gut kɔcdīt kenhiol piny ku dorkē.

Theny

6 Guo Manh Amääl tiŋ ke kuem thaany tuen kam theny kadhrou, ku piɛŋ lān tōk kam lāāi kaŋuan pīr ke lueel röldīt apeī cīt mār ē deŋ, “Bäär!” ²Ku tiēŋ piny, go ya mathiāŋ ɣer yen tiēŋ, ku raan cath ē ye amuk dhaŋ ke wieth, ku gēm ajōm ē bēny bī tāāu yenhom. Ku jiēl bī la pinyinhom, cīt kēny cī tɔŋ dhoŋ ku cop kɔc ater.

³Ku kuem Manh Amääl thaany ē rou thok, ku piɛŋ lān pīr ē rou ke jam röldīt ēlā, “Bäär!” ⁴Ku bō mathiāŋ thith bei tēwēn. Ku raan cath ē yeen aci gām riel bī kɔc cɔl aathār pinyinhom, ku bī kɔc röt nōk ē röt. Ku gēm paldīt ye kɔc thōr.

⁵Ku ben Manh Amääl thaany ē diäk kuem, ku piɛŋ röl ē diäk lān pīr ke lueel, “Bäär!” Ku tiēŋ piny, go ya mathiāŋ col yen tiēŋ ku raan cath ē ye amuk wēnh ye kāŋ them yecin. ⁶Guo kē cīt röl raan piŋ ke jam kam lāāi kaŋuan pīr yiic ku lueel, “Aduŋ abiik yen ariōp akāl tōk, ku aduuk kadiäk ayiēer kek ariōp akāl tōk. Ku duōkkē tiim ye miōk yōk thīn ku tiim ye cam rec.”

⁷Ku ben Manh Amääl thaany ē ŋuan kuem thok, ku piɛŋ röl lān ē ŋuan pīr ku lueel, “Bäär!” ⁸Ku tiēŋ mathiāŋ cīn kit la gei, ku raan cath ē ye ala rin, “Thou,” Ku rin kōk cɔl, “Piny ē Thou,” Ke buɔoth cōk ke cīi yiic mec. Keek aake cī gām riel bīk tēcīt abaŋ ŋuan kɔc pinyinhom yiic nōk ē tɔŋ ku cɔk, ku tuaany, ku lāāi roor.

⁹Ku ben Manh Amääl thaany ē dhiēc kuem thok, ku tiēŋ wēi kɔc wäär cī nōk ariäk cōk rin cī kek wēt Nhialic gam puōu ēbēn, ku yekē lueel. ¹⁰Go wēi kiu röldīt apeī ku luelkē, “Bēny yīn ala cōk ku yīn ē yic! Ye nen bī yen rot jāl looi ba kɔc pinyinhom tēm awuōc rin cī kek ɣo nōk?” ¹¹Go ŋek kamken aa gām alanh ɣer, ku lēk ke bīk tiit tēthin-nyɔot yet tē bī akuēn kɔc lui ke ke, ku miēthakēn kek ke bī nōk ēbēn cimēnden, jāl tuōōm.

¹²Ku tiēŋ Manh Amääl ke kuem thaany ē dātem thok. Ku ya ayiēkyiēk pinydīt tet yen loi rot, ku loi akōl rot bī cuɔl cīt alanh col, ku wel pēei yenyin bī ya malual cīt riem. ¹³Ku löōny kuēl piny nhial cimēn ŋam cī luok ye yom teŋ piny tē yiēk yen tim. ¹⁴Ku dol nhial rot

ciēt ye athöör ku mēr, ku nyēi kuör ku golgol tō wīir röt ē nyiēnken yiic. ¹⁵Go bānyjaknhīim ē pinynhom, ku bāny mēc, ku bāny apuruuk ku ajieek, kōc thiek yiic ku aloony, ku kōc cie aloony them bik thiaan ē kuör yiic, tēdē ke ye kuör nhīim. ¹⁶Ku yekē cōöt kuör yiic ku aleel yiic, ku luelkē, “Aa wek kuörkā kuōmkē yonhīim bi raan rēer ē thōōc nom yō cīi tīj. Ku Manh Amāäl aciī bi lēu bi yō ben tēm awuōc. ¹⁷Ee yic aköldit bi Nhialic ku Manh Amāäl raan ēbēn tēm awuōc aci bēn, ku acin raan bi awuōc kēnē göök?”

Kōc 144,000 Itharel

7 Ku ben atuuc nhial kaḡuan tīj ke kääc guök ē piny kaḡuan yiic, ke ke jác yom ē bēn guök kaḡuan yiic nom, bi ciēn yom ben buök ē pinynhom, tēdē wēr yiic, tēdē kuat tim nom. ²Ku tiēḡ atuny dēt ke bō bei tē ye akōl nyin bēn thīn, ke muk thaany Nhialic pīr, ku cōl atuny kēnē rōldit atuuc nhial kaḡuan wāär ci gām riel bik pinynhom agut ci wēr. ³Ku lueel, “Duōkkē piny ku wēr ku tiim rēc, yet tē bi yōk kōc ci Nhialic gam ēbēn yiēk nhīim kīt kenhīim tueḡ.” ⁴Ku lēk raandā yēn, lōn akuēn kōc la nhīim thaany ē Nhialic kōc Itharel yiic aa kōc 144,000 ē kuat thiāär ku rou Itharel yiic, ⁵⁻⁸tim thiāär ku rou kuat Itharel tōk yic, Juda, Ruben, Gat, Acer, Naptali, Manathe, Thimaan, Lebī, Ithakar, Dhebulun, Jothep, ku Benjamin.

Kōc juēc kääc pan Nhialic

⁹Ku diēl yanyin piny, ke ya tīj kōc juēc cīi lēu bi ke kueen. Keek akuut kam kuat dhiēth, ku wuōt, ku thok kōc rēer pinynhom ēbēn. Ku keek aake kääc ē thōōc nom tueḡ ku jōl a Manh Amāäl, ku aake ciēḡ alēth yer ku keek ēbēn aake muk wuōk agēp kecin. ¹⁰Ku kiiukē rōldit apeī ku luelkē,

“Nhialicdan rēer thōōc nom ku Manh Amāäl kek aa yook luök.”

¹¹Ku atuuc ēbēn aake kääc ke ci thōōc, ku kōcdit, ku jōl aa lāāi pīr kaḡuan gööm, ku gutkē kenhīol piny ē thōōc nom tueḡ ku dorkē Nhialic, ¹²ku luelkē,

“Yenakan! Bi alēc, ku diik, ku ḡiny kāḡ ku gam riel, ku athēēk, ku riēldit apeī ku lēc aa kāk Nhialicda akōlriēēc ēbēn. Yenakan.”

¹³Go raan tōk kam kōcdit wēn ya thiēēc ku lueel, “Ye yīḡa kōc ciēḡ alēth yerkā, ku bik tēnen?”

6:13-14 Ith 34:4 6:14 Ny 16:20 6:15 Ith 2:19, 21 6:16 Yoth 10:8; Lk 23:30
6:17 Juel 2:11; Mal 3:2 7:1 Jer 49:36; Dan 7:2; Dhāk 6:5 7:3 Edhe 9:4, 6

¹⁴Guo dhuk nhom, “Aa kuɔc ke, bēny. Ee yīn aɲic ke.” Go lueel, “Kekkā aa kɔc cī tēek kārīl yīic ku guumkē. Aacā alāthken loɔk riem Manh Amāāl bī ke looi bīk ɣer. ¹⁵Ku ē yen aye kek kōɔc thōny Nhialic nhom ku yekē luɔɔi akōl ku wēer luande, ku yen cī nyuc ē thōoc nhom abī ke aa kony ē rēerde thīn. ¹⁶Keek aaciī rou ku cɔk bī ben nōk acīn, tēdē ke ya akōl tuc yen ben ke nyop gup, ¹⁷rin Manh Amāāl yen rēer thōoc yic ciel abī ya abiɔnden. Ku abī ke la dēek nyīn pīu ē pīr, ku aabi Nhialic weec nyīn ē pīu wāar dhiɛu kek.”

Thaany ē dhorou

8 Nawēn ɲany Manh Amāāl thaany ē dhorou thok, kam wēn ke piny la bit tēthin-nyɔɔt koor. ²Ku tiēɲ atuuc kadhorou ke kāac Nhialic nhom ku ɲek ke cī yiēk kaɲ.

³Ku bō atuny dēt, ku kēec ariāk lōm ke muk kē ye adōɲ ɲīr took thīn cī looi mīlāɲ tōc. Ku yeen ēcī gām adōk juēc ɲīr apeī, bī ke juaar kek rōok kɔc ē Nhialic ariāk cī looi mīlāɲ tōc nhom, rēer ē thōoc lōm. ⁴Ku la tol adōɲ ɲīr cī took nhial, kek rōok kɔc ē Nhialic muk atuny nhial kāac Nhialic nhom. ⁵Go atuny kē ye adōk took thīn lōm, ku muɔɔc yic many rēer ariāk nhom ku cuet piny. Ku piɲ kē cīt mār ē deɲ ku bir, ku loi ayiēkkyiēk rot.

Keɲ

⁶Go atuuc kadhorou la keɲ kadhorou rōt guiir bīk ke kooth. ⁷Go atuny tuel kaɲde kooth yic, go ya gɔi ku many cī liāp kek riem kek lōony pinyinhom. Go mac tōōɲ ē diāk tiim ku wal cī cil pinyinhom nyop.

⁸Go atuny ē rou kaɲde kooth yic, go ya kēdīt cīt kuur ē mac yen piir rot adēkdiēt yic. Go tōōɲ ē diāk rot waar bī ya riem. ⁹Go tōōɲ ē diāk kāk pīr adēkdiēt thou, ku rēc tōōɲ ē diāk riēth.

¹⁰Ku koth atuny ē diāk kaɲde. Go ya kueldīt apeī dēp yen lōony tōōɲ ē diāk wēr ku nyīn pīu ye dek yīic. ¹¹Ku rin ē kuel kēnē acɔl kēkec ɣɔr. Go pīu rōt wel bīk kec, ku kɔc juēc ke cī dek thīn aaci bēn thou rin cī pīu kec.

¹²Go atuny ē ɲuan kaɲde kooth. Go tōōɲ ē diāk akōl ku pēi ku kuel rac abī tōōɲ ē diāk ruelden yic liu. Ku cīn ruel tōōɲ ē diāk akōl ku wēer.

¹³Ku jal jat ɲanyin, ke ye acu yen tiēɲ ke pār nhial, ku piēɲ ke cōt rōldīt apeī ku lueel, “Ye kēreec ē dā! Ye kēreec ē dā tēnē kɔc ē pinyinhom rin aabi kārec yōk, tē le atuuc kōk kadiāk keɲ kooth yīic.”

7:14 Dan 12:1; Mt 24:21; Mk 13:19 7:16 Ith 49:10 7:17 Wk 23:1; Edhe 34:23; Wk 23:2; Ith 49:10; 25:8 8:3 Amo 9:1; B.bei 30:1, 3 8:5 Leb 16:12; Edhe 10:2; B.bei 19:16; Ny 11:19; 16:18 8:7 B.bei 9:23-25; Edhe 38:22 8:10 Ith 14:12 8:11 Jer 9:15 8:12 Ith 13:10; Edhe 32:7; Juel 2:10, 31; 3:15

9 Ku koth atuny ē dhiēc kaṇḍe. Guo kuel cī lōōny ē pinynhom tiṇ, ku yeen acī gām wēnh ē riēt bī yen tēthuth mec yic apeī ṇaany nhom. ²Go tēthuth mec yic apeī ṇaany nhom. Go toldit apeī bēn bei tēthuth, tol cīt tol manydit dēp apeī, ku pat tol akōl nyin ku nhial ku looi piny bī cuol. ³Ku ye koryom yen bō bei tol yic bī la pinynhom, ku gēm riel cīt riel ē kith. ⁴Go lēk ke bīk wal kek tiim ku kakkōk cil pinynhom cīi rēc, ku ye kōc cīn gup kīn Nhialic kenhīim tueṇ kepēc kek rēcē ke. ⁵Keek aake cī Nhialic puōl bīk kōc aa yiēk tērem apeī tēn pēi kadhiēc ku cīk kōc nāk. Ku arēm yekē yiēk kōc acīt arem dhie cī kieth raan moc. ⁶Ye pēikā kadhiēc yiic abīk wīc bīk thou, ku thuōu abī mec ke ke.

⁷Koryom juēckā aake cīt mīthiōōṇ cī guir bīk la tōṇ yic. Ku aake ceṇ kacīt ajōm cī looi mīlāṇ tōc kenhīim, ku aake cīt nyīn kōc. ⁸Ku nhīm tō kenhīim aa bār cīmēn nhīm ē diāār, ku aala thook lec cīt lec ē kōōr. ⁹Ku aala pem kē cīt wēnh dhie ye kōc kepuōth gēēṇ tōṇ yic. Ku duōt ye wuōkken looi tē pēēr kek, acīt duōt riēth dhie ye mīthiōōṇ juēc thel looi, tē le kek tōṇ yic. ¹⁰Ku yālken aa cīt yāl ē kith, ku kē cīt kek yāl kakkā yen ale kek riel bīk kōc ya gām tē rem ye pēikā kadhiēc yiic. ¹¹Ku keek aala bēnyṇaknhom mac ke, yen atuny tēthuth mec yic, ku rienke acōl riāāk, tēdē ka cōl raan ē kāṇ rac.

¹²Kēreēc tueṇ acī thōk. Ku ye cōk ciēēn kāreēc kōk karou thiek apeī aabō.

¹³Ku koth atuny ē dātem kaṇḍe, guo rōl piṇ ke bō kam guōk kaṇuan yiic ariāk cī looi mīlāṇ tōc kāēc ē Nhialic nhom. ¹⁴Ku lueel rōl tēnē atuny ē dātem wēn muk kaṇ yecin ēlā, “Lony atuuc kaṇuan wāār cī duōt piny wārdit Yuparet yic.” ¹⁵Go atuny ē dātem atuuckā kaṇuan jal lony bīk tōōṇ ē diāk ē kōc pinynhom nōk. Aake cī Nhialic tāu akōldeen alanden. ¹⁶Go lēk ṇen lōn apuruuk aa timtim buōt karou. ¹⁷Ku tiēṇ mīthiōōṇ ku kōc cath ē ke nyuōth yic. Ku kōckā aala pem kēcīt wēnh dhie ye kōc kepuōth gēēṇ tōṇ yic, ku wēthkā aa thith cīmēn mac, ku aa mīṇōk ku mīkēth aya. Ku nhīim mīthiōōṇ aa thōṇ ke nhīim kōr. Ku mac ku tol ku kēdēt mac cōl adēp ē bēn bei kethook. ¹⁸Kakkā kadiāk, tol, ku mac ku ban mac cōl adēp bēn bei mīthiōōṇ thook, acī tōōṇ ē diāk kōc pinynhom bēn nōk. ¹⁹Rin riel mīthiōōṇ atō kethook ku keyāl aya, rin yālken aake cīt kāpieny kenhīim ye kek kōc gām ṽōntōōk.

²⁰Abēk kōc ē pinynhom kēc kājuēc rēc kōc nōkkā ke nōk, aake kēc luoi kāreēc puōl acīn, luoi ye kek jakreēc door, jak cī kiēēt ē wēth ku aleel ku tiim cie daai, ku cīk ye piṇ ku cīk ye cath. ²¹Kōckā aakēc luoi kāreēc puōl, cīt nāāk ē rōt, luoi kāk jakreēc, ku luoi ē bal, wīny diāār ku cuēēr.

9:2 Cāk 19:28 9:3 B.bei 10:12-15 9:4 Edhe 9:4 9:6 Jop 3:21; Jer 8:3 9:7 Juel 2:4 9:8 Juel 1:6
9:9 Juel 2:5 9:13 B.bei 30:1-3 9:20 Wk 115:4-7, 135:15-17; Dan 5:23

Atuuc ē Nhialic ku athör koor

10 Ku ben atuny dēt ril apēi tīŋ ke bō bei pan Nhialic ke bō ē pinynhom. Ee cī luāt kum ku mīit yenhom nhial, ku adēp nyin cīmēn akōl, ku dierke kecīt liem ē mac. ²Atuny kēnē amuk athör thiin koor ŋaany yic yecin, ku cōkden cuēc ēcī tāau adēkdieet nhom, ku cōkden ē cam pinynhom, ³ku cōōt rōldīt cīt dhiēn kōōr. Nawēn cī cōōt ke kecīt mār ē deŋ gam yerōl arak dhorou nhial. ⁴Wēn jīēm kacīt mār deŋ kadhorou, ku wēn duēr kāk cik lueel gāt piny, ke ya piŋ rōl pan Nhialic ke lueel, “Duk kāk cī kacīt mār deŋ kadhorou lueel lēk kōc kōk, ku duk ke gēt piny.”

⁵Go atuny wāār ca tīŋ ke kāac adēkdieet nhom ku pinynhom ayeer, ciinden cuēc jat nhial. ⁶Ku kuēēŋ rin Nhialic cie thou, ku yen cī nhial ku piny ku wēr, ku kāk tō keyiic ēbēn cak ku lueel, “Nhialic aciī bī tīit apēi ēmēn, bī kē cī guiir cīī loi tēcīt tē bī yen rot luōi thiin! ⁷Ku tē le atuny ē dhorou kanje kooth, ke Nhialic abī kēden cī thiaan thāap cīmēn wāār cī yen ye lēk aluōnyke, kōc kākke tīŋ.”

⁸Go rōl wēn ca piŋ ke jam nhial yen yōōk, “Lōōr lōm athör koor ŋaany yic muk atuny kāac adēkdieet nhom ku pinynhom ayeer.”

⁹Guō la tēnē atuny nhial ku thiēec bā gām athōōr. Go gām yen ku lueel, “Lōm ku cam. Abī miet yīthok ciēt ye kiēc ku abī rot la wel bī wac yīyāc.” ¹⁰Guō athōōr lōōm ku cam, go miet yathok ciēt ye kiēc. Nawēn yet yāyāc ke wel rot bī wac bī ciēt cuēei. ¹¹Ku lēk ya ēlā, “Yīn adhīl kē cī Nhialic guiir tēnē kōc ē pinynhom ēbēn nyuōoth ēmēn, kōc jam ē thok juāac ku bānyŋaknhīim.”

Kōc wēt Nhialic lēk kōc

11 Go yen gām wai, wai ē duēr ciēt tim dhie ye kāŋ them, ku lēk ya, “Lōōr them luāŋ Nhialic ku ariāk tō thiin, ku kuen kōc ē rōōk thiin tēnē ya. ²Ku duk kal yic tō luak kōu them rin lōŋ kēnē aci gām kōc kēc wētdiē gam. Ku keek aabī gendiē kuany kōu ke rēc kāŋ pēi kathiārŋuan ku rou. ³Ku yen abī kackiē karou tuōōc bīk wēt ē yic la lueel. Aabā alēth col, alēth ē lēŋ ciēŋ, ku aabī wētdiē la lēk kōc ē nīn tim ku buot karou ku thiārdātem yīic.”

⁴Kōckā karou wēt Nhialic nyuōoth, kek aa tiim karou ye miēthken looi ē miōk, ku kāk ye mēc adōk karou took kenhīim ē kōōc Nhialic nhom bēny pinynhom. ⁵Na le raan them ye bī kōckā karou yīēk tērem, ke mac abō bei kethook ku nyuōp kōc ater ēbēn. Kēya raan wīc ye bī looi kēya abī Nhialic nōk. ⁶Aaci Nhialic gām riel bī kek deŋ pēen bī cīī

10:5-7 B.bei 20:11; L.rou 32:40; Dan 12:7; Amo 3:7 10:8-10 Edhe 2:8-3:3 11:1 Edhe 40:3;
Dhāk 2:1-2 11:2 Lk 21:24 11:4 Dhāk 4:3, 11-14 11:6 1Bŋ 17:1; B.bei 7:17-19; 1Tha 4:8

tueny nīn bī kek wētde nyuōth. Aacī gām riel aya bī kek piū waar bīk aa riēm, ku cōlkē kuat kērac ēbēn abō pinynhom. Kēnē alēukē bīk aa looi akōlakōl tēcīt tē wickē ye.

⁷Nawēn cī kōckā karou wēt jal nyuōth ēbēn, ke lān roor rac apei bō bei tēthuth mec yic, aabī thōr ke ke ku aabī lān ke nōk, ⁸ku guāpken aabī cuat ē gēk yic gendīt wāār cī kek bēny ē kōckā karou piāāt thīn tim cī rīiū kōu. Gen kēnē acīk gām rin cīt rin pan Thodom ku Ijip. ⁹Kuat dhiēth, wuōt ku thok pinynhom ēbēn aabī guāpken aa tiŋ piiny ē gēk yic nīn kadiāk ku abak, ku acīn raan bī puōl bī ke thiōk. ¹⁰Kōc pinynhom ēbēn aabī puōth miēt rin cī ē kōckā karou thou. Aabī yai looi ku gēmkkē rōt kāpath kamken, rin cī kōckā karou kōc pinynhom cōl agum apei. ¹¹Tēwēn cī nīn kadiāk ku abak thōk, ke Wēi Nhialic la ē kōc wēn cī thou gup ku jōtkē rōt. Go kōc ŋic ke cī ke tiŋ riōōc apei dīt. ¹²Ku piŋ kōckā karou rōl ke cōt pan Nhialic, “Bāk tēn.” Gokē la nhial ke kōc aterken daai, ke ke cath ē piōōl yic. ¹³Kaam wēn cōk ka ayiēēkyiēēk dīt tet loi rot. Go tōōŋ ē thiāār ē geu wīik, ku thou raan tiim kadhrou. Ku jōl kōc cī pīr riōōc ku leckē dīt Nhialic tō nhial.

¹⁴Kēnē, yen ē thōk kērēec ye kek rou, kērēec dēt ye kek diāk abō ēmēn!

Kaŋ ē Dhorou

¹⁵Go atuny ē dhorou kaŋde kooth yic, guō atuuc nhial piŋ rōt ke jam rōldīt pan Nhialic ku luelkē,

“Nhialicda ku Raan cī dōc ku lōc aacī bāāny pinynhom ya kēden,
ku Nhialic abī mac akōlriēec ēbēn.”

¹⁶Go kōcdīt kathiārou ku ŋuan cī nyuc ē thōny Nhialic lōōm wīik ke gut kenhiol piny, ku dorkē Nhialic, ¹⁷ku luelkē,

“Bēny Nhialic Madhōl yen rēēr thīn thēer ku yen tō thīn ēmēn.
Yīn yeku leec rin cī yīn riēdu nyuōth yook ku yīn acī määcdu
jōk cōk!

¹⁸Ku kōc kuc yīin aake cī puōth riāāk rin tēn riāŋ ē piāndu
acī bēn tē bī kōc cī thou yāth luk yic,
ku tē bī kōc ariōpden yōk yīin luōōi,
ku kōc kāk Nhialic tiŋ, ku kacku ēbēn kōc yī door,
kōckor ku kōcdīt ēbēn aacī bēn.

Tē bī kōc cī pinynhom rac nōk acī bēn.”

11:6 1Bŋ 17:1; B.bei 7:17-19; 1Tha 4:8 11:7 Dan 7:7, 21; Ny 13:5-7; 17:8 11:8 Ith 1:9-10
11:11 Edhe 37:10 11:12 2Bŋ 2:11 11:13 Ny 6:12; 16:18 11:15 B.bei 15:18; Dan 2:44; 7:14, 27
11:18 Wk 2:5; 110:5; 115:13

¹⁹Go luaŋ Nhialic nhial ŋaany thok, ku rōŋdīt lōŋ ē dōŋr ē tō alōŋthīn. Go kāk cīt bir ē deŋ ku ayiēēkyiēēk, ku mār ē deŋ ku tueny ē gei, rōt looi.

Tik ku kēdīīt cīt jakanuaan

12 Ku loi kēdīīt kōc gōi rot nhial. Tik ē tō thīn ke cī akōl gōm piny ku pēei yecōk, ku cieŋ ajōm la kōu kuel kathiäär ku rou. ²Yeen ē tiŋ liac, nawēn cī thiōk ke dhiēth, ke rōp ku rem abī dhiau apeī.

³Ku ben dēt bēn bei nhial kēdīīt kōc gōi, ku kēdīīt thith cīt jakanuaan la nhīim kadhorou ku tuŋ kathiäär ku ajōm kadhorou kenhīim. ⁴Ku thēl tōōŋ ē diāk kuel bei nhial yeyōl ku piir ke pinynhom, ku bīi ku kēēc tiŋ wēn dhiēth nhom bī manh dhiēth tiit bī dhiēēth bī cam. ⁵Go tik manh ē moc dhiēēth, yen bī kōc pinynhom mac ke cīn aŋuān. Go atuny nhial bēn ku rum meth man cin ku yēth nhial tēnē Nhialic thōnyde nhom. ⁶Go tik riŋ roor tē cīi ceŋ, tē cī Nhialic guiir tēnē ye bī yen la rēer thīn, bī la muk ē nīn tim ku buot karou ku thiārdātem.

⁷Go tōŋ rot looi pan Nhialic. Atuny cōl Maikel ku atuuc kōk aaci bēn thōr kek kēdīīt wēn cīt jakanuaan ku atuōōcke. ⁸Ku kēdīīt kēnē aci bēn tiaam, ku aci bēn cuōp wei pan Nhialic. ⁹Maikel kek atuōōcke aaci kēdīīt kēnē kek atuōōcke bēn cuōp wei pan Nhialic. Kēnē yen ē Bēny jakrēc dīīt wār ye lueel ka cōl kēpiiny, yen raan ēbēn cōl aloi awuōc. Aci k bēn cuat pinynhom kek atuōōcke ēbēn.

¹⁰Ku piēŋ rōldīt ke cōt pan Nhialic ku lueel,

“Ēmēn, tē bī Nhialic kōc luōk aci bēn! Ēmēn, Nhialic aci rielden yen bēnyŋaknhom nyuōoth! Ēmēn, Raanden cī lōc ku dōc aci rielde nyuōoth! Rin raan wār ē kōc Nhialic nhom ku gōony miēthakua akōl ku wēer, aci cuōp wei pan Nhialic. ¹¹Miēthakua aaci jōŋrac tiaam rin cī Manh Amāal rot juaar bī nōk riēnkua ku rin cī kek wēt yic lēk raan ēbēn, ku keek aa kēc wēiken nhiaar bik riōc ē thou. ¹²Week ēbēn, wek kōc rēer pan ē Nhialic miētkē puōth, ku kua kē rēer ē pinynhom ku wār abī gum apeī dīt. Rin jōŋrac aci cuōp ē pinynhom tēnē ke, ku yen aci puōu mac rin aci nīn juēc cī pāl ye bī yen luui.”

¹³Nawēn le kēdīīt cīt jakanuaan ŋic lōn cī ye cuat pinynhom, ke cop tiŋ wēn cī manh moc dhiēēth bī dōm. ¹⁴Go tik gām wuōk cīt wuōk acu ku bī cōl apēer tēden wār roor tē cīi cieŋ. Ku bī yen la tiit thīn run kadiāk ku abak, ku akēc jōŋrac bēn lēu bī yiēk tētōk. ¹⁵Ku ŋōk kēpiiny piēu dīt cīt aboor yethok rin bī tik mou. ¹⁶Go tiōm pinynhom tik kony,

11:19 Ny 8:5; 16:18, 21 12:3 Dan 7:7 12:4 Dan 8:10 12:5 Ith 66:7; Wk 2:9 12:7 Dan 10:13, 21; 12:1; Jut 9 12:9 Cāk 3:1; Lk 10:18 12:10 Jop 1:9-11; Dhāk 3:1 12:14 Dan 7:25; 12:7

rin cī yaardīt apei piny dai yic, ku wet pīu thīn Ƴɔɾɔɾ. ¹⁷Go kēdiīt cīt jakanuaan puṣu riääk tēnē tik apei ku le thōr kek mīthken kōk cī lōōŋ Nhialic theek, ku mukkē wēt yic cī Jethu nyuɔɔth. ¹⁸Ku la jɔŋrac kōc ē wār nhom.

Läai karou

13 Ku tiēŋ lān roor rac apei ke bō bei adēkdiēet yic. Ku ala nhīim kadhorou ku tuŋ thiäär la nhīim ajōm kathiäär. Ku kenhiim ēbēn rin aaci gōt rin ē Nhialic tɔɔn guōp. ²Lān wēn ca tiŋ acīt kuac, ku adīt cōk kek riōōp bēēr la kōth nhīm, ku acīt thok kōōr. Acī kēdiīt cīt jakanuaan gām rielde bī nyuc ē thōōc nhom cīt bēnyŋaknhom la ye cōk. ³Nhuom tōk, nhīim ē lān kēnē ala yic piäär cīt piäär tētōk dīt apei ku jɔl dem. Kōc ē pinynhom ēbēn aake cī gāi ē lān kēnē ku buothkē. ⁴Keek ēbēn aake ye jɔŋrac door rin cī yen lēi gām riel, keek aya aake ye lēi door, ku luelkē, “Acīn kēril cīt ē lān kēnē. Acīn raan lēu bī thōr kek ye.”

⁵Go lēi puṣl bī jal nhiam apei, ku ye Nhialic lat. Go Nhialic pāl riel kēnē tēnē pēi kathiārŋuan ku rou. ⁶Ku jɔl lēi jam ku lēēt Nhialic kek kōcken rēēr nhial paande. ⁷Acī Nhialic puṣl bī thōr kek kōc Nhialic ku tiēem ke. Ku ēcī gām riel kōc pinynhom nhīim ēbēn. ⁸Kuat raan rēēr pinynhom ēbēn abī ye adoor, kōc cīi ye bī ya door aa kōc cī rienken gōt athōr pīr yic, ke piny kēc guo cak. Athōr kēnē ē kēn Manh Amāäl wāār cī nōk.

⁹Na lakkē yīth, ke we pīŋ apath, ¹⁰“Kuat kē cī Nhialic guiir bī rot luōi yī abī rot dhiel looi kēya. Raan bī mac, raan bī teem rōl ē pal abī teem rōl. Wēt kēnē ē lōn bī kōc cī gam dhiel gum ku rilkē puōth gamden yic.”

¹¹Ku tiēŋ lān dēt ke bō bei piiny, ke la tuŋ karou cīt tuŋ jɔŋrac. ¹²Yeen alui riel cīt riel lān tueŋ ke ŋic lān tueŋ, ku theny kōc ē pinynhom thīn bik lān tueŋ aa door, lān wāār cī tētōk dem yenhom. ¹³Ku looi kākdiīt jāŋ gōi. Ee ye mac cɔl alōōny piny nhial ke kōc ēbēn daai ē ye. ¹⁴Lān ciēen kēnē acī puṣl bī kākdiīt jāŋ gōi aa looi ke lān tueŋ daai thīn. Rin ē kākka yen acī yen kōc pinynhom wēŋ bik la yecōk. Aaci bēn yōōk bik kēdāŋ buth bī kek lān tueŋ kiēt ku yekē door, lān wāār cī nōk ē pal ku ben pīr. ¹⁵Lān ciēen kēnē acī puṣl bī wēi yāth kēwēn cī lān tueŋ kiēt yic, rin bī ya jam ku cɔl kōc cīi ye ye door anak. ¹⁶Ku yōōk lān ciēen kōc ēbēn, bēny ku kīc, ajak ku raan ŋōŋ, alony ku raan lāäu nhom, bī raan ēbēn kīt tāäu kōŋden cuēc, tēdē ke tēēu yenhom tueŋ. ¹⁷Acīn raan cī puṣl bī

kēde yaac, tēdē ke ʔəc ke cīn nhom kīt kek rin, tēdē ke ye akuēn rienke nyuəcəth.

¹⁸Yīn adhīl kāṅ ṇic apath ba kēnē jāl deet yic. Raan la kē ṇic adhīl kēnē dōt yic, bī akuēn ē lān ṇic, rin akuēn akāac nyin rin ē raan, akuēn ē buəṭ kadātem ku thiārdātem ku dātem.

Manh Amääl ku kacke

14 Ku jəl lä diəl ʔa nyin piny, ke ye Manh Amääl yen tiēṅ ke kääc gōt nhom Jeruthalem, kek kacke tim buəṭ ku thiārṇuan ku ṇuan cī rin Manh Amääl ku rin Wun gōt kenhīim tueṅ. ²Ku piēṅ rōl nhial kecīt arōl ē pīu kat apeī. Aye piṅ kecīt mār deṅ thiek apeī, tēdē ke ye thoom juēc gut. ³Ku kääc kōc tim buəṭ thiārṇuan ku ṇuan ē thōōc nhom tueṅ, ke ket waak yam lāāi pīr kaṇuan ku kōcdīt nhīim. Waakkā acīn raan lēu bī ke ket, aa keek kek kōc cī Nhialic luők ē rōt. ⁴Keek aa kōc cī rōt tiit cie wīc ē diāār. Keek aa kōc la cōk. Ee Manh Amääl yen aye kē buəcəth cōk kuat tē le yen thīn. Kōckā kek aacī luők kam kōc ēbēn, aa kōc ē Nhialic ku Manh Amääl, aa cīt rap ē yam dhie ye juēr Nhialic. ⁵Ku keek aa kēc lueth kaṅ lueel. Ku acīn kēreēc cīk kaṅ looi.

Atuuc nhial kadiäk

⁶Ku tiēṅ atuny dēt ke pār aliir yic nhial ke muk athör Wēt Puəth Yam, wēt pīr akōlriēc ēbēn tēnē kuat dhiēth ku wuəṭ ku thok pinynhom ēbēn. ⁷Ku lueel rōldīt, “Thekkē Nhialic ku lēckē rin dīit yen apeī. Rin nīn aacī thōk, nīn bī yen kōc ē pinynhom ʔāth ē luk yic. Duərkē rin yen aa cak nhial ku piny ku wērdīt ku nyīn ē pīu.”

⁸Ku buəcəth atuny rou atuny tueṅ cōk, ke ye lueel ē rōldīt, “Gendīt Babilon acī rac ēbēn. Babilon ē ye kōc pinynhom cōl adek muən kec apeī, muən ke cōl aloi kāk ē bal cī Nhialic bēn rac puū.”

⁹Ku buəcəth atuny ē diäk atuuc tueṅ wēn karou cōk, ke ye lueel rōldīt, “Raan lān kēnē door kek kēden cī kiēēt, raan la kīn ē lān kēnē yenhom tueṅ, tēdē ke ye yecin. ¹⁰Abī muən riāṅ puū ē Nhialic dhiel dek, muən kēnē ē kē cī Nhialic puők ē bīny riāṅ piānde yic. Kōckā aabī dēp many bēn bei kuur yic tuc apeī, ka atuuc nhial ku Manh Amääl daai thīn. ¹¹Many bī ke nyop kēnē abī ke reem akōlriēc ēbēn. Kōc ē lēi ku kēden cī kiēēt ku kuat raan la kīn ē rienke, acīi bī kaṅ lōṅ acīn akōl ku wēēr.”

¹²Kēnē wētde yic ē lōn bī kōc ē Nhialic kepuəth dēet, kōc lōōṅ ē Nhialic theek ku lek gam tēnē Jethu.

14:1 Edhe 9:4; Ny 7:3 14:5 Dhep 3:13 14:8 Ith 21:9; Jer 51:8; Ny 18:2

14:10 Ith 51:17; Cāk 9:24; Edhe 38:22 14:11 Ith 34:10

¹³Ku piēŋ röl nhial ke cöt ku lueel, “Dhil göt, kəc mit gup aa kəc thou ėmēn rin cī kek wēt Bēny gam.” Ku lueel Wēi Nhialic, “Ėe yic Alanden! Keek aciī bī ben gum athēer. Kāk cīk looi aabī cath ke ke.”

Tēmtem pinynhom

¹⁴Ku lä daai nhial, ke ye luāt yē yen tiēŋ ku kēcīt Manh raan ke cī nyuc ė piööl nhom, ku ala nhom ajōm cī looi mīlāŋ tōc, ku amuk pal moth thok yecin. ¹⁵Ku bō atuny dēt bei luaŋ Nhialic ku jiēm röldīt tēnē raan cī nyuc ė piööl nhom, “Jōk luci cōk ye pal kēnē, kāk tem pinynhom aaci luōk, ku akōlden bī ke tem aci bēn.” ¹⁶Go raan wēn cī nyuc ė piööl nhom palde met yic ku ler luōide yic, ku kēya, kēriēc ēbēn pinynhom aci tem.

¹⁷Ku tiēŋ atuny dēt ke bō bei nhial luaŋ Nhialic ke muk palden moth aya. ¹⁸Ku bō atuny wēn muk riel ė mac bei ariāk lōōm. Ku cōl atuny wēn muk pal moth röldīt ku lueel, “Lōm paldu ku tem abiēc dom yic pinynhom rin abiēc aci luōk.” ¹⁹Ku jōl atuuc palde met yic ku jōl abiēc tem piny, ku kuut keyiic ku yēth ke tē bī ke la nhiaç yiic thīn, rin riāŋdīt puōu Nhialic. ²⁰Abiēc ēcī nhiaç gēu kōu ayeer, go ya riēm yen loi kuēr, abi riēm lōl bār kōu apei ku thuuth yic looi.

Kādīt rēc bī atuuc nhial bēi

15 Ku tiēŋ kēdīt dēt kəc gōi nhial. Kēnē, aake ya atuuc kadhorou la riel bīk kārēc apei kadhorou gām kəc, ke ye kek awuōōc ciēēn bī Nhialic tēm kəc rēc, rin kek aabī riāŋ ė piānde jāl thōk. ²Ku tiēŋ kēcīt adēkdiet le piū nyīn kīr thīn cī liāp kek kēcīt mac. Ku tiēŋ kəc wāār cī lēi kek kīnden cī ye kiēt tiaam aya, agut lān wāār ye rienke ŋic akuēn. Keek aake kāāc adēkdiet le piū nyīn kīr yōu ke muk thom cī Nhialic gām ke, ³ku ketkē waak Mothith alony ė Nhialic, ku waak Manh Amāāl ēlā,

“Yīn Nhialic, yīn aril aciē kē thōŋ ke yīin,
kāk ye looi aa path ku aa kəc gōi!

Ėe yīn amac pinynhom ēbēn,
kuat kāk ye looi ēbēn aala cōk ku aa yith.

⁴Raan ēbēn abi riōōc ė yīin Bēny! Ku riēnku abi leec athēer!

Ėe yīin ė rot yīn Nhialic ė yic.

Kəc ė pinynhom aabī ya bēn ku dorkē yīin.

Raan ēbēn aci tēpeth ye yīn luui thīn tiŋ.”

⁵Nawēn ė kēnē cōk, ke ya tiŋ luaŋ Nhialic ke ŋaany thok, kek duēl Nhialic nyuōōth alōŋthīn. ⁶Ku bō atuuc nhial kadhorou, wāār muk

kādīt rēc apei kadhorou bei luanj ē Nhialic. Keek ēbēn aake cienj alēth yer la diardiar, ku karkar cī looi milānj tōc aa cik kaar kepuōth. ⁷Go lān tōk kam lāāi wāār pīr kanuan, atuōny tōk ya atuuckā gām adun milānj tōc la yic awuōc thiek bō tēnē Nhialic pīr akōlriēc ēbēn, bī gām kōc ē pinynhom. ⁸Duēl ē Nhialic ēcī tol paat yic piny, tol bō diik ku riel Nhialic yic. Ku acīn raan lēu ye bī la thīn, yet tē bī kārec dīt apei kadhorou wāār muk atuuc nhial ku bīī ke pinynhom, kanj thōk.

Kārec dīt apei ciēen kadhorou

16 Guō rōldīt apei piñ ke cōt luanj pan Nhialic yic, ke ye lueel tēnē atuuc nhial kadhorou ēlā, “Lak pinynhom ku gamkē kādīt rēc ciēenkā kadhorou, kārec riānj puōu ē Nhialic.”

²Go atuny tuenj kēreec cī Nhialic lēk ye bī gām kōc ē pinynhom gam. Go ya yōntōok rēc rem apei kek tul kōc la gup kīn lēi gup, ku kōc kēden cī kiēt door aya.

³Go atuny ē rou kēreec cī Nhialic gām ye bī gām kōc pinynhom gam. Go ya pīu adēkdiēt kek wel rōt bīk ya riēm, ku thou kāk pīr rēer pīu yiic ēbēn.

⁴Go atuny ē diāk kēreec cī Nhialic gām ye bī gām kōc pinynhom gam. Go ya pīu wēr yīth ye dek kek wel rōt bīk ya riēm. ⁵Guō atuny yen muk pīu pinynhom piñ ke lēk Nhialic, “Yīn acī yic tēk kōc ē kāreckā yiic, tēdu kan ēmēn ku tēthēer yon, ee yīn apath yītōk rin le luōndu cōk. ⁶Kōc rēc wāār cī kacku ku kōc kākku tīnj nōk aaca gām riēm bīk dek, yen kēpath ke ke.” ⁷Ku piēn raan rōl ke dhiau tēn ariāk ku lueel, “Ee tēde Bēny Nhialic Madhōl, kārec ca gam aa yith ku aa la cōk, luk aca njec looi!”

⁸Go atuny ē nuan kēreec cī Nhialic gām ye bī gām kōc pinynhom gam. Go akōl tuōc apei, ee cī Nhialic puōl bī kōc nyop atuōc. ⁹Kōc aake cī atuny akōl nyop apei abī ke gām gup yōntōok. Gokē Nhialic lat guōp, Nhialic yen bīī kāreckā, ku cik luoi kārec pāl ku cik Nhialic ye leec.

¹⁰Ku gēm atuny ē dhiēc kēreec cī Nhialic gām ye ku ler ku tēū thōny lān rac nhom. Go ya muōth yen kum kōc mēc lēi piny arēk abīk kethook aa kac rin arēm, ¹¹ku yekē kārec apei lueel ē Nhialic guōp rin arēm ku yōntōok rēer kegup, ku cik luoi kārec pāl.

¹²Go atuny ē dātem kēreec muk gam, go ya wārdīt Yuparet yen dōu, bī bānyaknhīim lōj ciēen puōl bīk tem kek apuruōkken. ¹³Ku tiēj wēi jakrēc kadiāk cīt aguek. Keek aake bō bei kēdīt cīt jakanuaan thok, ku lān rac thok, ku thoñ lān wāār aya bō kek wēt ē lueth yen kōc wēñ nyīn.

15:8 B.bei 40:34; 1Bñ 8:10-11; 2Lēk 5:13-14; Ith 6:4 16:2 B.bei 9:10 16:4 B.bei 7:17-21; Wk 78:44
16:10 B.bei 10:21 16:12 Ith 11:15

¹⁴Keek aa wēi jakrēc ē cath ke loi kāk kōc gōi. Wēi jakrēcā kadiāk aa bāny pinynhom ēbēn kuḡōt nhīim bī ke yāth tōḡ yic. Tōḡ kēnē ē tōḡ bī rot looi luḡdīt bī Nhialic Madhōl luk looi tēnē kōc pinynhom ēbēn.

¹⁵Aye Bēny lueel, “Pieḡkē! Yen abō cīt ya ye cuār wakōu. Raan mit guōp ē raan ba yōk ke kēc nin, ciēḡ alāthke, rin bī cīi cath ke cīn alanh ciēḡ bī guōp yār tē tīḡ ye.”

¹⁶Ku jōl wēi jakrēcā bānyḡaknhīim kuḡōt nhīim tē ye kōc Itharel cōl, Amagedon.

¹⁷Ku jōl atuny ē dhorou kērēc muk pāl aliir yic. Go Nhialic jam rōldīt nhial ē thōōc nom luāḡde ku lueel, “Kuat kēkith ēbēn acī luḡōi tēcīt tēde.” ¹⁸Ku bier deḡ apei, ku mēēr ē mār thiek ku looi ayiēēkyiēēk rot abī kōc riḡōc ēbēn. Acīn kēdīt cīt kēnē cī rot kaḡ looi tēnē cēk ke raan pinynhom, ayiēēkyiēēk rēc piny cīt kēnē. ¹⁹Go gendīt Babilon yeyic tek ē diāk, ku wit ayiēēkyiēēk gēeth ē pinynhom juēc, ku kēya, ke Nhialic tēm gen Babilon awuōc thiek apei rin riāḡ piānde.

²⁰Tēwēn le piny rot yāāk ke yōn thōny wīr mār, ku la gat dīr piny ēbēn. ²¹Go gōdīt thiek apei lōōny piny nhial ē kōc nhīim. Ku kēya, ke kōc lēēt Nhialic rin cī yen deḡ cōl atuny gōi thiek apei cī piny bēn rac.

Tiḡ rac adējōōk

17 Go atuōny tōk atuuc wāār bō nhial kadhorou muk kārēc kadhorou bēn tēnē ya ku lueel ēlā, “Bāār ba yī nyuōth tē bī Nhialic ē tiḡ rēc adējōōk tēm awuōc thīn, yen tiḡ rēēr wēr yōth.^a ²Bānyḡaknhīim ē pinynhom aacī kārēc apei, kāk ē bal looi kek ye, ku kōc ē pinynhom aake ye miānde dek bīk wiēt, ku tē cī kek wiēt ka jōl kārēc apei kāk ē bal looi kek ye.”

³Go Wēi Nhialic la yaḡuōp, ku nyiēei atuny Nhialic ya ku yēth ya roor tē cīi ciēḡ. Ee tēēn ke ya tiḡ tiḡ cī nyuc lān thith kōu, lān la nhīim kadhorou ku tuḡ kathiāār cī guōp thiāḡ rin ē Nhialic lat guōp. ⁴Tik a ciēḡ alanh thith ku alanh mathiāḡ. Ku acī milāḡ tōc ku kākōk la diardiar ku guēt dhēḡ thiāḡ yeguōp. Ku amuk aduḡ cī looi milāḡ tōc cī thiāḡ kāracken ē bal ye looi. ⁵Ku yenhom tueḡ acī rin gōt thīn rin cie deet yiic. Rin ye lueel ēlā, “EE YEN BABILONDīt, YEN ē MAN DIĀĀR Rēc ēBēn, YEN AYE KĀRēc JĀL THīN KĀRēc ē PINYNHOM ēBēn.” ⁶Ku tiēḡ tiḡ wēn ke cī wiēt riēm ē kōc Nhialic wāār cī ke nōk, rin cī kek wēt Jethu gam.

Ku wēn tiḡ yēn ye, guō gāi apei. ⁷Go atuny nhial ya thiēēc, “Yeḡō cī gōi? Yīn aba lēk wētde yic yen kēnē, ku lān cieth yen la nhīim kadhorou

16:15 Mt 24:43-44; Lk 12:39-40; Ny 3:3 16:16 2Bḡ 23:29; Dhāk 12:11 16:18 Ny 8:5; 11:13, 19
16:19 Ith 51:17 16:20 Ny 6:14 16:21 B.bei 9:23; Ny 11:19 ^a17:1 Wētde yic gen Babilon. (Jer 51:13)
17:2 Ith 23:17; Jer 51:7 17:3 Ny 13:1 17:4 Jer 51:7

ku tuŋ thiäär. ⁸Lān yen ca tiŋ ěmēn aci kaŋ pīr theēr, ku aciī ben pīr ěmēn rin abi bēn bei piiny tēthuth mec yic akōldā, ku abi jal la rōm ke riāāk. Kōc pīr ě pinynhom kēc Nhialic gāt athōrde yic, athōr ě pīr theēr kēc piny cak, aabi gāi tē tiŋ kek ě lān kēnē. Aci kaŋ pīr, ku aciī ben pīr ya akōlē, ku abi ben dhuk pinynhom.”

⁹Go atuny nhial lēk ya, “Kēnē awīc raan ŋic tak. Nhīim kadhorou aa rēēr nyīn kuōr kadhorou kek cī tik nyuc kenhīim. ¹⁰Kek aa bānyaknhīim kadhorou aya. Bāny kadhiēc kamken aaci liu. Raan tōk aŋot ye bēnyaknhom ěmēn ku dēt aŋot kēc bēn, ku na le bēn ka bī rēēr ě bāany yic kam koor. ¹¹Ku lān bī bēn bei tēthuth, yen abi ya bēnyaknhom ye kek bēt. Ku yen ě raan kam bānyaknhīim kadhorou, ku yeen abi rōm ke riāāk.

¹²“Tuŋ kathiäär ye ke tiŋkā, aa rēēr nyīn bānyaknhīim kathiäär kēc baai guo mac, ku aabi riel dhiel yōk bik baai mac kek lēi kam thiin koor. ¹³Wētdeŋ ě tōk, abik gam kedhie bik bāanyden thōn lēi. ¹⁴Bānyaknhīim kathiäär ku lēi aabi keyiic mat ku thērkē kek Manh Amāāl. Ku keek aabi Manh Amāāl kek kacke ke tiaam, rin Manh Amāāl yen ě bēnydīt ě bāny, ku bānyaknhīim ku kacke kek aa kōc cī Nhialic kuany ku cōol ke, ku kek aa kōc cī wētde gam.”

¹⁵Go atuuc lēk ya, “Pīu ye tiŋ cī tik nyuc kenhīim, aa rēēr nyin kōc ě pinynhom ěbēn. ¹⁶Lēi ku bānyaknhīim kathiäär ca tiŋ aabi kenhīim wēl adējōŋ kēnē. Abik dōm ku thatkē ku retkē kōu, ku pālkē ke cīn kē cieŋ. Aabi guāpde cuet. Abik rac ku yot abaŋ cī dōŋ ě mac. ¹⁷Bānyaknhīim kathiäärkā aabi ě kēnē looi, rin cī Nhialic ye tāāu kepuōth bik bāanyden gām lēi, rin wīc Nhialic ye kēya. Aabi lāāi theek yet tē bī kē wīc Nhialic thōk.”

¹⁸Go atuny nhial lēk ya, “Tiŋ ca tiŋ kēnē ě gendīt yen mac bāny pinynhom ěbēn.”

Nhialic aci Babilon rac

18 Nawēn ě kēnē cōk ke ya ben atuny nhial dēt tiŋ ke bō bei nhial pan Nhialic, ku atuny kēnē ala rieldīt apeī. Ruel dīt yeer wēn bō bei tēnē yen aci pinynhom ěbēn bēn looi bī yer. ²Ku cōōt rōldīt apeī, “Gendīt Babilon aci riāāk. Kōc aaci kat thīn ěbēn. Acīn raan cī dōŋ thīn, aa jakrec ku diet rec cīt awujoŋ. ³Kārec ě bal ye looi gen Babilon aaci yen ke pinynhom ěbēn liāāp, bī bāny pinynhom keek aa looi kāk ě bal, ciēt ke cī muōn kec apeī dek.

Ku tēn yen acī Nhialic rac puṣu yeguṑp.

Ku kɔc ẽ pinyinhom aake ye ɣɔɔc thīn ku loikē kāreɕ Nhialic rac puṣu.”

⁴Ku piɛŋ röldēt ke jam nhial ku lueel,

“Kackiē jālkē geeu!

Ku bī week cīi mɛt awuṑɔc looi keek yiic kā,

ku bī Nhialic we cīi yīk kādīt rɛc apei cīmēnden.

⁵Awuṑɔcken cīk looi aaci juēc nawēn

ke la nhial abīk Nhialic dōōt bīk la rac puṣu.

Go Nhialic awuṑɔckā yōk ēbēn, ku aaci bī kaŋ puṑl ke cīi tēm awuṑc.

⁶Dhielkē luṑi kāreɕ cīt kāwäär cī kaŋ aa luṑi week.

Dhielkē kāreɕ wäär cī looi cool kāk wār kāk wäär cī kaŋ luṑi kɔc kōk.

Adhielkē gām muṑn kec apei bī wiɛɛt cīt tēwäär ye luṑi kɔc kōk.

⁷Ee nhiam rielden dīt rēēr ke yeen,

ku pīrden rēēr yen kāpath yiic.

Adhielkē gām kē rem yeguṑp thōŋ kek miɛt ẽ puṣu dīt rēēr yen thīn.

Rin ye yen rot leec ēlä,

‘Yen tiŋ dīit ŋaknhom mac paandiē ẽ riɛl cīn ke tem ɣanhom, ɣen acīn mony bī thou ku ba dhuur.’

⁸Rin ye Babilon jīɛem kanhiaam kēya,

ee kaam thiin koor ku abī Nhialic kādīt rɛc

apei cɔl aabō tēnē yeen cīmēn tuaany, ku cɔŋdīt apei ku thuɔɔu.

Abī ɣɔɔt mac bī nyop ēbēn, rin Bēny Nhialic yen bī ye tēm awuṑc,

ala riɛldīt apei.

⁹“Bāny ẽ pinyinhom wäär cī kāreɕ looi kek ye aabī dhiau ku löönykē puṑth tēnē ye, tē tiŋ kek tol many cī ye ɣɔɔt nhom tēmec. ¹⁰Aabī kōɔc tēmec, rin cī kek riṑɔc ciɛt ke bī gām awuṑc thiek cīt kēn cī gām Babilon, rin wäär cī kek kāreɕ looi aya kek ye. Abīk aa lueel,

‘Ye kēreɛc ẽ dē, gendīt Babilon, gen ril yen cī guɔ riāāk ye kam thiin yic!’

¹¹“Kɔc ẽ ɣɔɔc pinyinhom aa dhiau rin Babilon, rin acīn raan bī kākken bēn lōk ɣɔɔc. ¹²Mīlṑŋken tōc, ku alēth path, alēth cī looi mīlāŋ thith ku guɛt path ku kāpuṑth kōk cie lac yōk ku tuŋ aa kōn, ku kuṑr path

18:3 Ith 23:17; Jer 51:7 18:4 Ith 48:20; Jer 50:8; 51:6, 45 18:5 Cāk 18:20-21; Jer 51:9

18:6 Wk 137:8; Jer 50:29 18:7-8 Ith 47:7-9 18:9-10 Edhe 26:16-17 18:11 Edhe 27:31, 36

18:12-13 Edhe 27:12, 13, 22

la diardiar, acīn raan bī keek ben lōk ƴɔɔc tēnē ke. ¹³Miök n̄j̄r, māäu ku abīīk, ku ƴök ku thōk, ku mīthiōōŋ ku lāāi kōk baai ku tiim path ku aloony, acīn raan bī ke lōk ƴɔɔc. ¹⁴Abī kɔc ƴɔɔc aa lueel tēnē Babilon ēlā, ‘Kuat kāpath wāär ye ke cam, ku kāpuoth wāär ye ke cieŋ aaci rac, ku aaciī bī ben yök acīn.’ ¹⁵Kɔc ē ƴɔɔc wāär cī jak rin ye kek kākken ƴɔc ye aabi dhiau tē tīŋ kek ye ke dēp. Aabi ya kōōc tēmec rin wāär cī kek mat kek ye ciēt ke bī mat ē riāāk yic aya. ¹⁶Abīk aa lueel,

‘Ye kēreec ē dē tēnē gendit cīt kēnē,

gen diit dhēŋ cīt raan ceŋ mīlōōŋ tōc ku guēt path yeyeth!

¹⁷Rin kākka aaci guo bēn mār nyin yic.’

“Kɔc ē riāth geer adēkdiet yiic, ku kɔc la kākken yekē keek la ƴaac riāth yiic, kāk ye kek pīr thīn aabi kōōc tēmec, ¹⁸ku dhieukē tē tīŋ kek tol nhom ke dēp geeu kek kāk tō thīn ēbēn, ku jōlkē ya lueel, ‘Makei! Acīn gendit cī kaŋ ciēt ē gen!’ ¹⁹Ku jōlkē kenhīim pot ē neth bik nyuōōth lōn cī kek puōth löny ku dhieukē apei ku luelkē,

‘Makei! Cī gendit riāāk kēya?

Gendit wāär ye kɔc la riāth jieek la yök thīn,

yen cī guo riāāk ye kaam thiin yic kek kāk tō thīn ēbēn!

²⁰Kɔc rēer pan Nhialic mietkē puōth rin cī Nhialic Babilon rac.

Mietkē puōth kɔc ē Nhialic ku atuuc ē Raan cī lōc ku dɔc,

ku kɔc kāk Nhialic tīŋ rin cī Nhialic Babilon tēm awuōc tēcīt

tēn käreec wāär cī keek luōi week.’”

²¹Ku tiēŋ atuny Nhialic ril cī kuurdit thiek kuany ku piir wiir adēkdiet yic ke lueel,

“Kēnē yen ee tē bī gendit Babilon rac thīn,

ku aciī ben tīŋ acīn.

²²Yīn Babilon acīn lār bī ben piŋ yiic tēdu,

ku acīn kēet bī ben piŋ rōt ke gut thom, tēdē ke ye keŋ kooth yiic.

Kɔckun atēet ēbēn aabi mār,

ku wēthkun ye rap guur abi ciēn rap ben guur thīn.

²³Ku mēc aciī bī kaŋ ben tīŋ nyin ke dēp,

ku acīn ruēi bī ben looi,

rin kɔckun ē ƴɔɔc kek aake ye kɔcdit pinynhom,

ē pinynhom cam tēbār ē ruēeny.”

²⁴Nhialic aci Babilon tēm awuōc rin le yen guōp awuōc cī yen kɔc kāk Nhialic tīŋ nōk, ku kɔc juēc kōk ē Nhialic, Babilon ala guōp awuōc cī yen kɔc juēc ē pinynhom ēbēn nōk.

18:12-13 Edhe 27:12, 13, 22 18:15 Edhe 27:31, 36 18:17 Ith 23:14; Edhe 27:26-30

18:18 Edhe 27:32 18:19 Edhe 27:30-34 18:20 L.rou 32:43; Jer 51:48 18:21 Jer 51:63-64;

Edhe 26:21 18:22 Edhe 26:13; Ith 24:8 18:22-23 Jer 7:34; 25:10 18:24 Jer 51:49

Riāṅ ē Babilon ē kōc Nhialic miēēt puōth

19 Tēwēn cī atuny ril thōk ē jam, ke ya piṅ kōc rōt nhial ke loi kiēu apei ku luelkē,

“Lecku Nhialic! Nhialic yen acī ʔo luōk, diik ku riel aa kāk Nhialicda kedhie.

² Luōṅde ee yic ku ala cōk.

Yen acī tiṅ adējōōk wāār ṅiēc tēm awuōc thōṅ kek kāk cī luōi kōc ē pinynhom.

Babilon cī pinynhom rac, rin rim kōc Nhialic atō yecin.”

³ Ku ben thān awēn loi kiēu yai cam,

“Lecku Nhialic!

Babilon abī dēp ku many nyop ye abī tol ya la nhial akōlriēc ēbēn.”

⁴ Ku tiēṅ kōcdit kathiārou ku ṅuan, ku lāāi pīr kaṅuan ke gut kenhiol piny ē Nhialic nhom ku dorkē ke cī nyuc thōnyde nhom,

“Yenakan, Lecku Nhialic!”

Yan thiēṅ Manh Amāäl

⁵ Ku piēṅ rōl ke cōt thōōc lōōm ku lueel,

“Wek aa dhil Nhialicda leec, week ēbēn, kōc ril ku kōc niōp, wek kōc thek yeen ēbēn ye door.”

⁶ Ku piēṅ kōc juēc ke loi kiēu nhial apei, ke loi arōōl cīt arōōl ē pīu kat apei, ku cīt mār deṅ ku luelkē,

“Lecku Nhialic! Rin Bānyda, Nhialic Madhōl ee Bēnyṅaknhom!

⁷ Jōlku puōth miet ku lecku Nhialic,

rin cī nīn thiēṅ Manh Amāäl thōk, ku nyan thiak acī rot guiir bī lor.

⁸ Acī Nhialic ruōk alēth path cīn gup acuōl bī keek cieṅ.”

Alēth path aatō nyin kāpath ye raan luōi Nhialic.

⁹ Go atuuc lēk ʔa, “Gāt wēlkā, kōc mit puōth aa kōc cī cōl ē yan thiēṅ Manh Amāäl yic.” Ku met thīn ēlä, “Wēlkā aa wēl ē yith bō tēnē Nhialic.”

¹⁰ Guō ʔanhiaal guōt piny yenhom ba door. Go lēk ʔa, “Duk loi kēya! Ee Nhialic yen aya luōi cīmēn ye yīn ku miēthakun cī gam, kōc cī yic cī Jethu nyuōth, buōth yic. Ee Nhialic ē rot yen aye door.” Rin yic cī Jethu nyuōth yen ē kōc cōl agam wēt ē Nhialic.

Raan cath mathiāṅ ʔer

¹¹ Ku tiēṅ pan Nhialic ke ṅaany thok, go ya mathiāṅ ʔer yen tiēṅ thīn kek raan cath ē ye. Ee yen raan ē Nhialic luōi ē puōn ʔer, kuat kāk ye

19:2 L.rou 32:43; 2Bṅ 9:7 **19:3** Ith 34:10 **19:5** Wk 115:13 **19:6** Edhe 1:24; Wk 93:1; 97:1; 99:1
19:11 Edhe 1:1; Wk 96:13; Ith 11:4

looi ēbēn aaya yith, tē looi yen luk tēdē ke ye tɔŋ, ka la cōk ēbēn. ¹²Yen adēp nyin cīmēn mac, ku acieŋ ajōm juēc yenhom. Acī gāt kōu rin, ku ē yen aŋic rienke ē rot. ¹³Ku acieŋ alanh bār yekōu cī kōu thiāŋ ē riēm. Ku rienke aa, “Wēt ē Nhialic.” ¹⁴Abuɔɔth apuruuk Nhialic ke cieŋ alēth yer, ku aake cath mīthiōōŋ yer. ¹⁵Ku pal moth ē bēn bei yethok bī yen kōc ē pinynhom tōk. Abī kōc pinynhom mac ke cīn aŋuān, aabī nhiaç yiic cīmēn mōn nhiēc bei athuāāi yic, bīk riāŋ puōu ē Nhialic yōk kegup. ¹⁶Ku alanhde kōu ku yeyām, rin acī gōt thīn ēlā, “BĒNYŋAKNHOM Ē BĀNYŋAKNHĪĪM, BĒNYDĪT Ē BĀNYDĪT ĒBĒN.”

¹⁷Guɔ atuny nhial kāac akōl nyin tīŋ, ke cōl diēt pār aliir yic ēbēn ku lueel rōldīt, “Bāk tēn, bāk bēn mīth miēthdīt ē thēi cī Nhialic guiir! ¹⁸Bāk ŋuētke gup bānyŋaknhīīm, kōcdīt apuruuk, kōcdīt ril, gup mīthiōōŋken ku kōc cath ē ke, gup kōc ēbēn, kōc aloony ku kōc cie aloony, kōcdīt ku kōc kor!”

¹⁹Ku tiēŋ lēi ku bānyŋaknhīīm ē pinynhom kek apuruōōkken, ke kuut kenhiīm ēbēn bīk la thōr kek raan cath mathiāŋ ku apuruōōkke. ²⁰Go lēi dōm, kek raan wēt lueth wēŋ yen kōc nyīn lueel, raan kāk kōc gōi looi, bī kōc la nhīīm kīn lēi kenhiīm tueŋ muōr rin kākken kā ku dorkē kēden cī kiēt. Go keek ēbēn karou piēer manydīt tuc apei bēn bei kuur yic ke pīr. ²¹Ku nāk apuruōōkken ēbēn ē pal bēn bei raan cath mathiāŋ thok. Ku guāpken aaci diēt bēn ŋueet.

Ruōōn tiēm tōk

20 Ku tiēŋ atuny nhial ke bō piny, ke muk wēnh ye tēthuth mec yic tuer thok, ku luŋ arēk dīt thiek apei. ²Ku dōm atuny nhial kēdīt cīt jakanuaan, kēpiiny theer yen jōŋrac dīt ē pinynhom, ku rek ē ruōōn tiēm tōk. ³Ku piir tēthuth mec yic apei, ku riit thīn ku thiōōk thīn ē thaany. Ku abī rēer ē tēēn ē ruōōn tiēm tōk. Ku kēya acīī bī lēu bī kōc pinynhom ben tuōōr nyīn. Ku na la runkā thōk ke yeen abī pāl ayeer ē kaam koor.

⁴Ku tiēŋ kōc ke cī nyuc ē thōc nhīīm, ku tiēŋ wēi kōc wāar cī tem rōt rin cī kek wēt Jethu Krītho ku yen wēt Nhialic gam. Kōckā aake nāk ke rin kēc kek wēt lēi gam ku dorkē, ku aacīn gup kīn ē lēi kenhiīm tueŋ ku kecin. Aaci ben pīr ku nyuuckē ē thōc nhīīm, rin cī Nhialic ke gām riel bīk mac. Ku jōlkē mac kek Raan cī lōc ku dōc ē ruōōn tiēm tōk. ⁵Na cī runkā thōk, ke kōc kōk cī thou, kōc cī gam ku kōc ē pinynhom aabī ben pīr, ku ē yen jōn rot tueŋ bī gup kōc cī thou rōt jōt. ⁶Ku Nhialic abī kōckā dōc, ku keek aabī ya kacke rin ye kek kōc cī kaŋ pīr, rin cī ke

kaŋ jət thou yic. Ku keek aaciī bī thou thon ē rou, ku aabī ya kɔc Nhialic luḱḱi ku Jethu Krītho, ku aabī mac kek ye ke ye bāny ē tōk ruḱḱn tiem tōk.

Jɔŋrac aci tiaam

⁷Tē le ruḱḱn tiem tōk thōk, ke jɔŋrac abī lony tēwāār cī ye mac thīn. ⁸Ku abī ben bēn ē pinynhom bī kɔc kōk bēn wēēŋ nyīn, kɔc cī thiēi ē bēēi pinynhom yiic cɔl Gok ku Magok. Aabī jɔŋrac mat yiic ku yēth ke tɔŋ yic. Ku keek aa juēc ka cīt liēet agör. ⁹Ku weerkē pinynhom ēbēn, ku goolkē gen nhiēer Nhialic piny, gen rēer kacke thīn. Go Nhialic mac tuḱḱc piny nhial bī ke nōk ēbēn. ¹⁰Ku cuet jɔŋrac wāār ke wēŋ manydīt tuc apeī bēn bei kuur yic, tēwāār cī lēi ku kɔc tōr lueth kaŋ cuat thīn. Ku keek aabī reem aköl ku wēer ē tēēn akölriēc ēbēn.

Luŋ thōk ē piny

¹¹Ku tiēŋ thōnydīt yer apeī kek raan cī nyuc yenhom. Go piny ku nhial määŋ yenhom tueŋ ku cīn raan ben ke tiŋ acīn. ¹²Ku tiēŋ kɔc cī thou ēbēn kɔcdīt ku kɔckor ē pinynhom ēbēn ke kääc thōōc lōōm. Ku jɔl athör ŋaany yiic, ku athör cī kāk cī kɔc pinynhom looi gōt thīn, ku jɔl athör dēt yen athör pīr ŋaany yic aya. Ku kɔc ēbēn aake ye tēm awuōc thōŋ kek kē cī ŋek looi pinynhom, cī gōt rienke thook athōör yic. ¹³Ku jɔl kɔc ke thou wīir bēn ku kēēckē Nhialic nhom luk yic, ku jɔl kɔc cī thou rēer guäpken piiny rēŋ yiic rōt jət aya, ku kēēckē Nhialic nhom luk yic. Ku keek aaci bēn tēm awuōc thōŋ kek kāk ke cik looi pinynhom. ¹⁴Go thou nhom guōp cuat manydīt dēp apeī yic. Manydīt dēp kēnē yen ē thon ē rou. ¹⁵Kuat raan liu rienke athör ē pīr yic, aci cuat baau mac dēp kēnē yic.

Pinynhom ku nhial ē yam

21 Ku jal pinynhom ku nhial ē yam tiŋ, rin cī piny ku nhial theer määŋ, ku cīn wērdīt kōk ben rēer thīn. ²Ku tiēŋ gen Nhialic yen Jeruthalem ē yam, ke bō piny nhial pan Nhialic bī bēn pinynhom. Gen ē Nhialic aci guiir cīmēn nyan cī guiir bī gām moc. ³Ku piēŋ raan ke cōt röldīt apeī ē thōōc lōōm ku lueel, “Ēmēn pan Nhialic arēer kek raan! Ku keek aabī ya kacke, ku Nhialic nhom guōp abī rēer ke ke ku abī ya Nhialicden. ⁴Abī piū wēc wei kenyīn. Ku acīn raan bī ben thou acīn. Acīn raan bī puōu ben riääk ku dhieeu, tēdē ke ben tērem yōk yeguōp cīmēn theer, rin käng aaci rōt waar.”

20:8 Edhe 7:2; 38:2, 9, 15 20:11-12 Dan 7:9-10 21:1 Ith 65:17; 66:22; 2Pit 3:13
21:2 Ith 52:1; 61:10; Ny 3:12 21:3 Edhe 37:27; Leb 26:11, 12 21:4 Ith 25:8; 35:10; 65:19

⁵Ku lueel raan cī nyuc thōōc nhom ēlä, “Tiēṅkē! Kāṅ ēbēn aluɔɔi bīk aa yam!” Ku lueel aya ēlä tēnē ya, “Gāt kēnē, alēu ba gam yen kē luɛɛ rin wēlkā aa yith.

⁶“Kuat kākkih ēbēn ēcī luɔɔi tēcīt tēde. Ee yen jōk ē cōk ku yen thōk ē kāṅ. Yen abī raan nēk rou gām pīu dek, aba gām pīu ē pīr, ku aba gām ye ē path. ⁷Kuat raan cī tiam abī kākka yōk tēnē ya. Aba gām ē kākka ēbēn, ku yen abī ya Nhialic ku yeen abī ya manhdiē. ⁸Ku kōc riōc, ku kōc cī gamden puōl ku kōc cā adumuōm looi, kōc cī kōc nōk, kōc ē luui kārec, kōc ē jōṅrac, kōc jakrec door, ku kōc alueth, kōckā ēbēn aabī cuat manydīt tuc bēn bei kuur yic, ku yen ē thon ē rou.”

Jeruthalem ē yam

⁹Go atuōny tōk kam atuuc kadhorou wāār muk kērac apeī ciēen bēn ku cōl ya, “Bāār lokku ba yī la nyuōth nyan bī ya tiṅ Manh Amāäl.” ¹⁰Go Wēi Nhialic la yaguōp ku yēth atuuc ya ē kuurdīt bār nhom. Ee tēen ke nyuth ya Jeruthalem gen ē Nhialic ke bō piny nhial pan Nhialic. ¹¹Ee dēp diardiar ke diik Nhialic. A dēp cīt kuur cī guaṅ bī la lēṅlēṅ. ¹²Ku aci gōōl piny kal ril bār, ku ala thok kathiäär ku rou, ku thokkā ēbēn aaye atuuc kōōc thīn. Ku thokkā aaci rin kuat Itharel kathiäär ku rou gōt thīn. ¹³Ku kal cī geu gōōl piny ē la guōk kaṅuan, ku guōṅ tōk ē la thok kadiäk. ¹⁴Kal cī ke geu gōōl piny aaci buth aleeldīt kathiäär ku rou nhīim. Ku rin atuuc Manh Amāäl kathiäär ku rou aake cī gāt aleelkā kōōth.

¹⁵Ku atuny wāār yen jam ke ya, amuk wai cī looi mīlāṅ tōc bī yen geu athem, pānyde ku thuōkke. ¹⁶Geu ala guōk kaṅuan thōṅ thook. Ku them atuny nhial geu waiden wēn muk, ku yōk ke cīt meel tiem tōk ku buot kadhiēc bēr ē kōu, ku lāau yic kek bēr la nhial ē cīt kēnē aya. ¹⁷Ku them atuuc la nhial ē kal ku dīt ē kōude aya, ku yōk ke ye akāāth thiärdātem. Käk ke ye atuuc them aake cīt kāk ye kōc them ē path.

¹⁸Pāny cī geu looi, aaci buth kuur yer dhēṅ ku geu nhom ēcī looi mīlāṅ tōc la gei cīt macar. ¹⁹Puōōny ē geu aake cī jōk cōk kuat aleel la diardiar. Aleel ke cī puōōny jōk cōk aya aake yiic thiäär ku rou. Kōk aake thith, ku kōk aa yer ku kōk aa maṅōk, kōk aa mīthiōōṅ, kōk aa mīkēth, kōk aa mīyēn, kōk aa mīlōōth, kōk aa malīik, ku kōk aa mamer. ²⁰Ku kīt ēbēn aake ye thiäär ku rou. ²¹Thok kathiäär ku rou ē genē aake cī looi aleel yer kathiäär ku rou, thuōṅ tōk ē ye looi alel yer tōk, ku gēek ē geu yic aaci looi mīlāṅ tōc la diardiar cīt macar.

²²Yen akēc luaṅ Nhialic ye kōc rōōk thīn tiṅ, ee gen kēnē yic, rin Bēny Nhialic Madhōl ku Manh Amāäl kek aa luaṅ Nhialic. ²³Gen kēnē ēcīi

wīc ruel akōl, tēdē ke ye pēei, rin ala ruelde ē rot, rin rueldīt Nhialic yen aye ye mer yic, ku Manh Amāäl yen aye ye mer yic cīmēn many adök. ²⁴Ku ruel ē gen yen aye kōc cath thīn, ku bāny pinyinhom aabī ya bēn bīk jaakden bēēi thīn.

²⁵Kal aabī ya rēer ke ŋaany thook akōl ku wēer, rin piny acī ben a cuol. ²⁶Kōc wuōt ēbēn aabī bēn ē gen yic rin bī kek Nhialic bēn aa door ku leckē. ²⁷Acīn kōc la gup adumuōm bī puōl bīk la geeu, ayī kōc ē luui kāk kōc cōl ayār gup ku kōc tör lueth. Kōc bī puōl bīk la geeu aa kōc cī rienken gōt athör ē pīr Manh Amāäl yic.

22 Ku ben atuny nhial ya nyuōth wār cī thiāŋ pīu ē pīr la kīrkīr apeī bō tēnē thōny Nhialic ku Manh Amāäl, ²ke kuēer geeu gēk ciel yic. Agör ē wār lōŋ ku lōŋ, akēēc tim ē pīr thīn, tim luok ē pēei thok ēbēn ruōōn tōk yic, ku kōc wuōt ēbēn aa yiēthke lōōm bī kek yōntōok aa cōl adem, ku tueny kōk aya. ³Acīn dēt mēen Nhialic bī rēer ye gen kēnē yic. Kōc Nhialic ku thōny Nhialic kek thōny Manh Amāäl kek aa rēer thīn, ku kōc ē Nhialic kek aabī ye aa door. ⁴Kōckā aabī Nhialic aa tīŋ ku rin Nhialic abī gāt kenhīim tueŋ. ⁵Abī ciēn cuol ē piny ye gen yic. Kōc ē rēer thīn aaciī bī wīc ruel akōl, tēdē ke ye many bī piny mer yen wīckē. Rin Nhialic yen abī ya ruelden. Aabī rēer thīn ke ye bāny akōlriēc ēbēn.

Bēn ē Jethu

⁶Go atuuc lēk ya, “Kuat kāk ca tīŋ ku piŋ ke aa yith ēbēn. Ku Bēny Nhialic yen Wēike yāth ē kōc kāk Nhialic tīŋ gup, yen acā atuōnyde tuōōc bī kacke nyuōth kāk bī rōt looi ye nīnkā.” ⁷Aye Jethu lueel ēlä, “Dhielkē piŋ apath! Yen abō ēmēn! Kōc mit puōth aa kōc thek kāk cī lueel athör kēnē yic ēbēn!” ⁸Ee yen Joon yen a ya piŋ ku tiēŋ kākka. Tēwēn cī yen ke piŋ ku tiēŋ ke, ke ya gut yanhīol piny yecōk ku duōor atuny wēn nyuth yen kākka. ⁹Go jal lēk ya, “Duk loi kēya! Yen alony cīmēndu, ku miēthakui kōc kāk Nhialic tīŋ, ku kōc ēbēn kāk tō athör yic theek. Dor Nhialic!” ¹⁰Ku lēk ya, “Duk kāk cī gōt athör kāk Nhialic kēnē yic thian tēnē kōc, rin cī piny thiōk ke thōk. ¹¹Ku kōc kārēc looi aabī ŋot ke la tueŋ ke looi kārēc, ku kōc cī wēt Jōŋrac gam aabī ŋot loikē kēya. Ku kōc ē luui kāpath aabī ya luui kāpath. Ku kōc Nhialic aabī la tueŋ ke luui Nhialic.”

¹²Aye Jethu lueel ēlä, “Pieŋkē apath yen abō ēmēn thiin, yen abō ba kōc bēn riop, tēdē ke ya tēm kōc awuōc thōŋ kek kē cī ŋek looi theer wāär. ¹³Ee yen jōk ē cōk ku yen thōk ē kāŋ.

21:23 Ith 60:19-20 21:24 Ith 60:3 21:25-26 Ith 60:11 21:27 Ith 52:1; Edhe 44:9

22:1 Edhe 74:1; Dhāk 14:8 22:2 Cāk 2:9; Edhe 47:12 22:3 Dhāk 14:11 22:5 Ith 60:19; Dan 7:18

22:11 Dan 12:10 22:12 Ith 40:10; 62:11; Wk 28:4; Jer 17:10 22:13 Ny 1:8, 17; 2:8; Ith 44:6; 48:12

¹⁴“Kɔc mit gup aa kɔc cä aläthken loɔk riem Manh Amääl, rin aabi la yic bīk mīth tim pīir cam, ku aala yic aya bīk la gen Nhialic ē yam. ¹⁵Kɔc tō geu kōu aa kɔc pan mac, kɔc cī kegup yiēk acuɔl rin theek kek jɔŋrac, kɔc nāk ē kɔc, ku kɔc ē jam lueth, ku kɔc luui kāk bal aaciī kɔŋ la ē gen kēnē yic acin.

¹⁶“Aye Jethu lueel ēlä, Yen acä atuōnydiē tooc bī kākka bēn lēk we, wek akuut cī gam. Yen ē kuat dhiēnh bēnyjaknhom Debit, ee ciēer bak piny ē ruēl bēēi.”

¹⁷Aye Wēi Nhialic ku kɔc Nhialic kek cīt nyan thiak ē Manh Amääl lueel, “Bāk!” Ku kuat raan piŋ ē kēnē adhīl lueel aya, “Bāk!” Na le raan nēk rou ke bō, kuat raan nēk rou abi dek piū pīir ē path.

Thök ē wēl

¹⁸Yen Joon, yen alēk kuat raan piŋ ē wēt kēnē puōu ēbēn, na le raan juēk kēde thīn ka bī Nhialic tuōc kārec cī gōt athōr kēnē yic. ¹⁹Ku na le raan nyēei wēt tōk kam wēl tō athōr wēl cī nyuōth yen yic, ke Nhialic abi yinyden bī tēk ye mīth tim ē pīir yic, ku la gen yam, cī ke gōt athōr kēnē yic, nyaai tēnē ye.

²⁰Ku Jethu raan lēk kɔc kākka ēbēn aye lueel, “Yēē-yēē! Yen abō ēmēn!” Kēya, ee tēde. Bäär Bēny Jethu!

²¹Bī dhēēŋ Bēny Jethu rēer kek kɔc ē Nhialic. Yenakan.